

Roma

Pauloac yaizézé ac.

1 ¹Kristo Yesuac welenj qeqe icya,^a ni Paulo imi, Anutuac buña suruc hiabiawac méliméli ic wammañ niñac nuruma gésinéñec. ²Buña suruc hiabia imi, Anutunéñ kua meme ichéra kuagina mema eñeya naña niñac i ménda hicñiyecnec kiwi téréyaiguc sisipac ac wañ nénécmiyec imuac héla wanzac. ³Naña imi mia baec séwiiiguc Dawidiac qeli wamma hicñiyec. ⁴Wañu téré Uñayaiguc^b imi humuc ic sugina igucnec muñguc qelima yarec. Yaru imuac kuhanéñ énézéyu hémma Anutuac naña wanzac imi ninzéñgé migic. Imi mia Kristo Yesu. ⁵Iwac murunec neñañ goi héihéi zéma Yesuac Méliméli icac ai buña mema iwac qac buña niñac ic enia ionac suginaiguc ai meni ninzéñgéma niñtoho wañanzu. ⁶Ini acguc ionac sugina igucnec Yesuac buñawac unuru énécmimia.

⁷Roma ama areña yandaiguc Anutuac niñsoroc héra, héihéré énécmimia, zéma météré énécmimia, moczoñ yanda onac muru; Anutu Mañgocnina zéma Miñ Kewunina Yesu Kristo iorac murunec ewa hia zéma luaenéñ he énécmimac.

Paulonéñ Roma ama areña yandaiguc kemmanjac zé niñec.

⁸Walac imi ninzéñ ninzéñ ginawac surucyanéñ baec séc saima kenzac imuac buña nimma Yesu Kristoac qaraiguc ni Anutuna ewa hia ac ézézua. ⁹Nañawac buña suruc hiabia imuac qeriaiguc qeri uñananéñ welenj qemianzua Anutu inéñ mia acna yomuac héipuc wanzac. Ni zéwelec wañanzua séc ménda misimanec onac qacgina olomma zéanzua. ¹⁰Wañu deguc tetecgiaiguc Anutuac ewa siñ heyu onac muru hahayawac héna imi méñac méñ méwéréñgé némmac niñac nalé séc zéwelecanzua. ¹¹Inicmañ niñ wañanzua imuac hénia imi qeri uñawac sese téréya méñ ewa hiawac énécmima ewa qerigina meseli énécmimañ niñac imuhuc wañanzua. ¹²Imuhuc wamma suginaiguc kecma neñañ ninzéñ ninzéñ ninanéñ meseli amuwij niñac. ¹³Dacmuna hécna, ni hatac sasala onac muru

^a 1:1 Girik aciguc; dulos, ic imi miñinanéñ boña meyu eñeya kuc buña méñ ménda késa kecma miñinawac ara sac tohoma kecañec. ^b 1:4 Uña Téréya.

hamañ zé wañi imi ini ménda nimmanec kecmu niñac ménda wan̄zua. Imi mia ic enia ionac sugginaiguc hicñian̄zac ésécnec onac sugginaiguc imuhucyanec héla mihicñimañ niñac wañanzua hénia imuac mia. Wañu suraiguc hénia mén̄ ménda béréngé néñanzac. ¹⁴Ni imi Girik ac zézé ic zéma tosara, niniñginaguc zéma niniñgina qahac momac yanda, buña suruc hiabia énézémañac taséna henén̄zac. ¹⁵Hénia imuac niñac ni Roma baeciguc kec̄zu onac muru acguc buña suruc hiabia zéau énécmimañ niñac siñna kuneñ yanda henén̄zac.

**Buña suruc hiabia imi Miñ
Kewuac kuha.**

¹⁶Buña suruc hiabia imi mia Anutuac kuha, ninzéh̄ ninzéh̄ ic an̄géh̄ tiénécmimiawac buña. Walac imi Yuda ic ionac, duña imuhucyanec Girik ic ionac, imuac niñ ni imuac gamuna ménda niñanzua, ¹⁷Ic solaña imi ninzéh̄ ninzéh̄anéh̄ kekecyaguc kecan̄zac kiwi imuhuc ooyawac hezac séc,^c buña suruc hiabiaiguc imi Anutuac haka solañanéh̄ winiñu hicñjima hezac. Hénia mén̄ igucnec qahac néñ ninzéh̄ ninzéh̄ igucnec hénima kemma ninzéh̄ ninzéh̄iguc keñkecni solaña zénénécmimac.

Ic embac ieneñ Anutugina andé qema siñi yanda qeriaiguc kerengic.

¹⁸Haka birianéh̄ ackuazéc héla hédacgéanzu ionac haka eeya qahac hénia hénia zéma haka biria hénia hénia niñac Anutuac qeri gericnéh̄ kurumeñ igucnec wininian̄zac. ¹⁹Anutunéh̄ eñeya hénia mewinini énécmiyec imuac niñac Anutuac hénia hénia hía nimmuac séc wan̄zac imi winiñu hezac. ²⁰Baec kurumeñ hicñiyecnec Anutuac kuha hémbénaña zéma iwac hénia saña iminéh̄ iwawai zéyu hicñiyec imuaru solañanec wininiyu hémma niñasariwiñac séc, imuac niñac ic embac imi eneñ héiken̄zé héihazé wammuac séc qahac. ²¹Anutuac hénia niñtegicmaguc kileñ eeya ménda héimima ewa hía ac ménda zémima néwécgeña niniñginanéh̄ nimma nimbipigic héla qahac wañu, siñi tunumañnéñ ewa qerigina sécgé énécmiyec. ²²Wañu eñaocnec niñtegic qin̄tegic ninaguc zégic, néñ ewa soho ic wañgic. ²³Imuhuc wamma Anutuac edamuya ménda houhouya imi melemma méraginanéh̄ megic, ic me, yañ qesi me, nei me, mokolen̄ houhouya ionac irecgina tanec wañec.

Ic ieneñ Anutu andé qema haka ménda wawaña imi wañgic.

²⁴Imuac niñac Anutunéh̄ kaiseroac siñ biria zéma kaiseroac siñsiñiguc wai énécmiyu eñaocnec séwigina mebiri amudacgic. ²⁵Imi mia ieneñ Anutuac ackuazéc héla imi meleñgic ikora wandaru, kekec Miñjina imi andé qemima iwawai zéyu hicñjigic imuac mia sicgé énécmima mepési

^c 1:17 Hab 2:4

énécmiġic. Nérj kekec miñjina iwac muru mepé qepési hehe seli hema emma hemac, hélacnec! ²⁶Hénia imuac niñac Anutunérj wai énécmiyu ewa siñsiñ gamuyaguc imuaru kecanzu. Imi mia embac hécgina ienen acguc eu iniñac haka hezac imi sigima ménda wawañaguc kereñdacġic. ²⁷Ichécgina imuhucyanec ewa siñsiñ birianérj geric bélaña éscnec onoyu embac hécginawac héna imi waima ic enjaocnec haihaka gamuyaguc wamma tasia wawañ meme biria imuac sécyá melenj énécmiyu séwiginaiguc medacġic. ²⁸Wañu ienen niniñginaiguc Anutu añgérj tiwiñ niñac ménda wañġic. Imuac niñac Anutunérj ewa sohoginawac wai énécmiyu haka ménda wawaña imi wañġic. ²⁹Imi mia késpedes wawañ biriqiria yomuhucya; kaiziliweñ, hémbaoc, ewa siñ biria, nimbupuc, unuhumuc, zéerj zéma, ikoc, manam batuc, kuakisañ biria, ³⁰andélukuc ac, Anutuac niñ mézétiti, mema titi, tétéc qeque, séwi enej, haka biria niñareñ wawaña, neñgoc mañgocac ac qeque, ³¹niñ sohosohoya, ménzé ménzéya, wésé niniñ qahac, goi héihéigina qahac. ³²Anutunérj wawañ meme imuhucya wañzu imi humucac buña qeénécmiyec imi niñtegicmaguc kilenj enjacnec sac ménda wamma imuacnec toroqema alahécgina tosia areñ imuhucya wañġic inicma imi hia zéma héipuc wañ énécmianzu.

Anutuac gésigési ai imi solañ dindiña.

2 ¹Gi acguc haka imuhucya wañanzañ imuac niñac ic méñac niñgési mima zézanj gésigési acga iminérj mia geñgac késpedesicga zétecgézac. Hénia imuac niñac zégési niñgési ic gi imi geñga késpedesicga musañgémanj zé héikenjzé héihazé wambésémañac séc qahac. ²Haka imuhucya wañanzu ionac muru Anutuac gésigési ai imi ackuazéc héla méndacma wañ énécmianzac imi neñañ ninziñ. ³Ic embac tosara haka imuhucya wañanzu imi zégési énécmimaguc geñga acguc haka imuhucya wañanzañ. O, baec ic gi, geñ ninna Anutuac gésigési ai imuac hia qiziziñgéma kembésémañac tanec wanzac me? ⁴Imi qahac wanzaciguc, Miñ Kewunérj gi ewa qeriga melembésémañ niñac goi héihéi kuaya qeqeya wañgémma qindiñi géñanzac imi ménda niñtegicma goi héihéiya zéma gum bénzénzénja zéma mambéc kekecyá iminérj sécgégénju hémma zédesi wammizañ gezanj? ⁵Ewa seliga zéma ewa qeriga ménda melenj melenja imi méndacma Anutuac gésigési ai solaña zéma qeri gericya wininimac nalé imuaru qeri gericya imi mihicñimanj zé geñgaocnec metocgona enanzac me? ⁶Anutunérj wawañ meme wañanzac imuac séciguc icya icya tasia melenj énécmimac. ⁷Nañselima haka hiabia wamma kekec edamuyaguc zéma kekec eebipiyaguc zéma iwawai ménda houhouyawac mihicñiwiñ zé wañzu ionac imi kekec hehe selia énécmimac. ⁸Néwécgeña enañ ewa siñ niñac wamma ackuazéc héla imi andé qema haka biria méndacma wammu ienenj imi qeri

biric zéma niniñ biric mihicñimu. ⁹Icya icya haka biria wammu séc qeri uñagina imi zéra béra zéma yéwéri ginaguc wammu. Wañu imi mia walac Yuda ic ionac muru, imuacnec baera baera ic embac ionac muru. ¹⁰Wañu néwécgeña icya icya haka hiabia wammu séc imi kekec edamuyaguc zéma kekec eebipiyaguc zéma luaenéñ he énécmimac. Wañu imi mia walac Yuda ic ionac muru, imuacnec baera baera ic embac ionac muru. ¹¹Anutuac gésigési imi solaña imuac séwíac wamma keñkésa hakésaya qahac. ¹²ic enia kecma késpedesic wanñu ieneñ héna ac qahac humucac buña wandacmu. Wañu héna acginaguc késpedesic wanñu ieneñ héna ac imi méndacma zétecgé énécmimac. ¹³Anutuac kiwaiguc imi héna ac gezacginanéñ sac niñanzu imi onac qahac, néñ héna ac tohoma wañanzu imi onac sac solañ dindiña zé énécmimia wammac. ¹⁴Ic enia ieneñ Anutuac héna ac ménda nimma eñañ ewa qeriginanéñ qindiñi énécmiyu héna acac séc wanñuiguc imi héna acgina qahac kileñ eñeyaocnec eñañ héna ac ésécnec wamma kecñu. ¹⁵Ic imuhucya ieneñ eñañ ewa qeriginaiguc baecac héna ac ooyawac hezac imi tohoma waññic kekecginaiguc wininianzac. Wañu eñañ ewa qeriginanéñ aciguc opoc amugic imuhucyanec ac bakia melemma zésolañani amuanñu. ¹⁶Imi mia, buña suruc hiabia zéau énécmianzua imuaru hezac séc, Anutunéñ Yesu Kristo ézéyu ic embac ionac ewa qeriginaiguc niniñ saña imi gési énécmimac nalé imuaru mia, imuhuc hicñimac.

Yuda ic zéma héna ac.

¹⁷Gi qacga Yuda ic zéamuma héna ac imuaru héima namma Anutuac qeriaiguc séwi eñeñ wamma ¹⁸héna acnéñ pakeñ ac ku énécmiyu Anutuac ewa siñ niñtegicma imuac niññic, séc méñ eñeña wañanzac. ¹⁹Wañu imuhuc wamma geñga niñac yomuhuc efima zéanzañ; Ni kic hilic onac galeñgina, siññiguc kecñu ionac kifagina, ²⁰ewa soho ic ionac mindi qindiñi ic, nambérac ionac kiwi ic wanñua. Niniñ zéma ackuazéc héla héna aciguc hezac imi tanecgira hénia hénia nuaru hedacñac. ²¹Imuhuc zéma tosara ku énécmima kileñ geñga imi ménda kuamuanzañ me? Kowu nene ménda wammu zéma zéau énécmima geñgaoc kowu neanzañ me? ²²Kaisero ménda wammu zéma geñga kaisero wañanzañ me? Nemu irecya surema imuac ocmuñiguc iwawai haigic heyu kowu meanzañ me? ²³Héna acac séwi eñeñ wamma geñgaoc mia héna ac imi logima Anutu gamu qeque wammianzañ me? ²⁴Kiwi ooya hezac séc onac haka biria niñac Anutuac qara imi ic enia ionac sugginaiguc zébiri qébiriyaguc wañanzac. ²⁵Gi héna ac tohoanzañiguc séwiiguc séwi tasé hericheric hakaya imi méra gémmac, néñ héna ac imi logianzañiguc guac séwiiguc séwi tasé hericheric haka imi eñomia wanñac. ²⁶Hénia imuac niñac imuhucyanec ic méñ séwiiguc séwi tasé hericheric ménda wañec inéñ héna ac tohoanzaciguc séwiiguc séwi tasé heric herira qahac néñ iwac niññic séwi tasé heric heriraguc

éséc ménda wammac me? ²⁷Séwiiguc séwi tasé heric herira qahac méjnén héna ac imi solañanec tohomaciguc inén héna ac ooyaginaguc zéma séwiiguc séwi tasé heric hericginaguc wamma héna ac logianzu ini ménda zégési énécmimac me? ²⁸Hénia imuac niñac séwiiguc Yuda ic imi Yuda ic héla qahac, wañu imuhucyanec séwiiguc séwi tasé hericheric imi séwi tasé hericheric héla qahac. ²⁹Imuac niñac ewa qeriiguc Yuda ic kekera iminén mia Yuda ic héla wanžac. Wañu séwi tasé hericheric imi qeri uñaguc heheya, nén kiwi kicninanéñ hémbiñac séc imuaru ménda heheya. Wañu mepé qepési imi baec ic onarunec qahac, nén Anutu arunec. Imuac niñac séwi tasé herichericgina imi ewa qeriginaiguc memu.

**Anutuac haka imi méñzé
méñzéya qahac.**

3 ¹Hénia imi imuhuc wañu, némac nanañiguc Yuda ic wamma kekera iminén héla wanžac? Wañu némac nanañiguc séwiiguc asé kiwi mema kekera iminén eeyaguc wanžac? ²Hénia hiabia sasala hezac. Walac imi Anutuac ackuazéc imi niñkumu énécmima méraginaiguc hai énécmiyec imi mia.

³Wañu ic tosianén ménda ninzén gémuiguc dimuhuc wammac? Ewa éréhécginanén Anutuac haka méñzé méñzéya qahac imi mesohomac me? ⁴Imuhuc wammacac séc qahac, icya icya ikocginaguc, nén Anutu momacguc sac hélaguc wanžac. Imuac mia ac zézéya mén yomuhuc ooyawac hezac; Anutu acga zéna, hélacnec zégéngéña wammac. Aciguc gopocgic onogicbésémañac hezac. ⁵Wañu wawañ memenina birianén Anutuac solañ dindiña mewininimaciguc dimuhuc zéwiñ? Baec ic hakanina méndacma zéwa niñgic; Anutunén qeri biric wañ nénécmiyu qacninaiguc mayu haka imuac niñ Anutu imi solañ dindiña qahac imuhuc zéwiñac séc wammac me? ⁶Imuhuc qahac téngén! Imuhuc wammaciguc Anutunén baec ic embac dimuhuc gési nénécmimac? ⁷Wañu ic méjnén acna melemmañ zé qeriyanéñ yomuhuc sumbuñ yanda niñkeczac gezañ; Ac ikocna niñac Anutuac solañ kekecyawac niñgic ou emma edamu yandayaguc wañu némac niñac ni késpedes ic ésécnec zégési némmac? ⁸Imuhuc wañu iwawai hiabia mihiçniwiñ zé haka biria wambiñ imuhuc hia ménda zéwunec? Ic tosara ieneñ ac ikoc wamma zégic neneñ ac imuhucya zéyiñ tanec wanžac. Ac imuhuya zéanžu imi eneñ imuac kitiwa mihiçnimuac séc wanžac.

Ic solaña mén ménda keczac.

⁹Imuhuc wañu dimuhuc zéwiñ? Yuda ic neñañ imi tosia onogicma hiabianec kecañiñ? Imi qahacgucnec! Bec yomuhuc zétecgéziñ; Yuda ic me Yuda ic qahac^d imi moczoñ biriawac méra bawu késpedes ic keczñ.

^d 3:9 Me Girik ic.

10 Ac kiwi méŋ yomuhuc ooyawac hezac; Ic solañ dindiŋa méŋ ménda keczac. 11 Ic niŋtegic qinŋtegicyaguc imi méŋ ménda keczac. Waŋu Anutuac hochoc ai wammimia méŋ ménda keczac. 12 Momac yanda sigima kemma imuhucyanec eŋomia wandacŋic haka hiabia wawaŋa méŋ ménda keczac, méŋ méndagucnec keczac. 13 Déméŋgina imi kicsuaŋ suaŋa qahac ésécnec, waŋu ezelaŋ ginanéŋ ac ikoc mihicŋima kua taséginaiguc imi qatéac sacmasi biria kisamma kecanzu. 14 Kuaginaiguc imi ac saec zéma ac howuc howucnéŋ sécgéma hezac. 15 Waŋu hénaginanéŋ sac naec énécmiwiŋ zé efeŋianec waŋanzac. 16 Waŋu dimia me dimia keŋanzu séc kisikiyoŋ qema saohanec waigic heanzac. 17 Waŋu ieneŋ luaeac héná imi ménda niŋtegiczu. 18 Kicginaiguc haka méŋ wambiŋ zé Anutuac niŋ bac yandi yandi ménda waŋanzu. 19 Neŋaŋ yomuhuc niŋanzin; Héna acnéŋ ic embac imuac méra bawu keczu séc énézéanzac. Imi mia baec ic eneŋ kuagina moczoŋ zikima acgina qaiyu Anutuac gésigési ai imuac bawaiŋuc nammu niŋac. 20 Imuac niŋac baec ic méŋac méŋ héná ac niŋtoho tohoiguc ic solañ zémimia méŋ ménda keczac. Héna aciguc imi késpedesicnawac niŋtegicanziŋ imuac mia.

Yesu niŋzéŋgéni solañ dindiŋa zénéncmimac.

21 Waŋu deguc imi Anutuac solañ dindiŋa méŋ mihicŋi nénécmiyecac heyu niŋziŋ. Waŋu imi mia héná ac igucnec qahac, néŋ héná ac zéma Anutuac tilin tilin ic eneŋ héipuc wammimia imuacnec hahaya. 22 Imi mia Anutuac solañ dindiŋa, ic embac Kristo Yesu niŋzéŋgéŋic séc ionac mia, niŋzéŋ niŋzéŋ imuacnec, séc momacnec ha énécmimia. 23 Ic embac moczoŋ yanda imi késpedes wandacŋic imuac Anutuac edamuyaiguc kereŋ kereŋawac séc qahac wanzac. 24 Waŋu Kristo Yesunéŋ késpedes igucnec hulac nénécmiyu Anutuac ewa hia niŋac boŋtegic mesolaŋi nénécmimia wanzac. 25 Anutunéŋ eŋeya solañ dindiŋa imi mewininimaŋ zé nalé horua qeri bénzéŋiguc kerec. Kecma becneŋ késpedes wawaŋa imi moczoŋ hémma ogirec. Ogicma sacya niŋzéŋgé mimia ionac Yesu imi mulumananŋ buŋawac kumuyec.^e 26 Imi mia gum bénzéŋzéŋiguc nalé yomuac eŋeya solañ dindiŋa mewininima eŋeyaoc solañ dindiŋa wamma, imuhucyanec Yesu niŋzéŋgé mimia méŋac méŋ solañ zémimaŋ zé imuhuc waŋec.

27 Imuac némac hianina niŋac séwi eŋeŋ wambiŋ? Imi osioŋiya! Waŋu héná dimia, wawaŋa meme ninaiguc me? Imi qahac, niŋzéŋ niŋzéŋac hénáiguc sac tima kambiŋac hezac. 28 Imuac mia ic méŋnéŋ héná acac aiiguc qahac, néŋ niŋzéŋ niŋzéŋaiguc solañ zémimia wammacac hezac imi niŋtegicziŋ. 29 Anutu imi Yuda ic ionacnec keczac me? Baera baera ic embac ionac Anutu momacnec ménda wanzac me? Owec, ic enia ionac Anutu momacnec wanzac. 30 Séwi tasé heric heriraguc imi acguc

^e 3:25 Késpedesicnina bisima humuma Anutuac qeric gericya igucnec metecgé nénécmimac niŋ kumuyec.

ninzéŋ ninzéŋ igucnec, séwi tasé heric herira qahac imi imuhucyanec ninzéŋ ninzéŋ igucnec, solaŋa zénéncmimac imi méŋ qahac, néŋ Anutu momacguc. ³¹ Waŋu imuhuc zéma ninzéŋ ninzéŋiguc kecma héna ac imi hia auwiŋ me? Imi qahac téŋgéŋ, néŋ héna ac imi meseliwiŋac hezac.

Abaraham zéma Dawidi i Anutu ninzéŋgé miyic kápésicgira waiyec.

4 ¹ Waŋu duŋa séwiiguc ambéc sakoŋnina Abaraham imi némac iwawai mihicŋiyec zéwiŋ? ² Abarahamnéŋ wawaŋ meme igucnec solaŋa zémimia waŋeciguc séwi eŋeŋ wammacac séc, néŋ Anutuac wésiaiguc imi imuhuc wammacac séc qahac. ³ Kiwinéŋ dimuhuc zézac? Abarahamnéŋ Anutu ninzéŋgé miyu imuac niŋac wamma solaŋa zémiyec. ⁴ Ic méŋnéŋ ai mema ai boŋa késayu niŋni boŋa imi ewa hiawac buŋa éséc ménda wanzac, néŋ tasé kuku éséc wanzac. ⁵ Ic méŋ wawaŋ memeya qahac iminéŋ kápésic ic solaŋa zémianzac i ninzéŋgémaciguc ninzéŋ ninzéŋ imuac niŋac mia solaŋa zémimac. ⁶ Dawidi imuhucyanec ic méŋ wawaŋ memeya séha ménda hemizac, néŋ Anutunéŋ nimmima solaŋa zémiyu ic imi zézé ségiségiyaguc wanzac zéma yomuhuc zéyec; ⁷ Héna ac logigic kápésicgina wai énécmima kápésicgina hoturu énécmimac imi ségiségi ginaguc. ⁸ Miŋ Kewuninanéŋ ic méŋac kápésicya ménda olommac imi ségiségiyaguc wammac. ⁹ Imuac ségiségi iminéŋ séwi heric heriraguc iwac muru sac hemac me séwi heric herira qahac iwac muru momacnec hemac? Neŋaŋ imi yomuhuc zéanziŋ; Abaraham imi ninzéŋ ninzéŋa niŋac wamma solaŋa zémiyec. ¹⁰ Némac nanaŋiguc naŋu solaŋa zémiyec? Séwi tasé heric heriraguc kerec nalé imuaru me séwi tasé heric herira qahac kerec imuaru? Zéwa niŋgic, séwi tasé heric heriraguc kerec nalé imuaru qahac, néŋ séwi tasé heric herira qahac kerec nalé imuaru mia solaŋa zémiyec. ¹¹ Inéŋ séwi tasé heric herira qahac kerec nalé imuaru ninzéŋgéyu solaŋa zémiyecac solaŋ dindiŋa imuac asé kiwiya imi meyec. Imi mia eŋeyaoc séwi tasé heric herira qahac kecma ninzéŋ ninzéŋ ic moczoŋ yanda ionac ambéc sakoŋgina waŋu qelihéra héna imuhucyanec solaŋa zénéncmimac niŋac imuhuc waŋec. ¹² Waŋu inéŋ imuhuc wamma séwi tasé hericheric haka imuac ambéc sakoŋnina waŋec. Imi mia kecma séwi tasé hericheric memu ionac sac qahac, néŋ Abarahamnéŋ séwi tasé heric herira qahac kerec imuaru ninzéŋ ninzéŋ kesa kerec imuac héna tima méndacmiziŋ neŋaŋ momacnec ambéc sakoŋnina wammac niŋac imuhuc waŋec.

¹³ Abaraham zéma qelihéra ieneŋ baec moczoŋ yanda mératéc memu niŋac sisipac ac megic. Waŋu sisipac ac imi mia héna ac igucnec qahac, néŋ ninzéŋ ninzéŋac solaŋ dindiŋa imuarunec. ¹⁴ Ic embac héna ac igucnecnéŋ mératéc meme ic wambunec ninzéŋ ninzéŋ imi héla qahac waŋu sisipac ac imi auyu qahac wambacnec. ¹⁵ Héna ac niŋac wamma qeri gericyanéŋ aiyaguc wanzac. Waŋu héna ac ménda hezac imuaru

héna ac logilogi imuhucyanec ménda hemac. ¹⁶Imuac niḡac mératéc meme ic wawaḡa imi ewa hiawac buḡa wammac niḡac ninzéhḡ ninzéhḡ méndacma haanzac. Imi mia zikiziki ac imi qelihéra ionac muru meseli énécmimaḡ niḡac imuhuc waḡanzac. Waḡu imi mia ic embac héna ac igucnec sac qahac, néḡ Abarahamac ninzéhḡ ninzéhḡiguc toro qeqeya imi onac momacnec. Waḡu Abaraham imi Anutuac kiwaiguc baec ic momac yanda neḡaḡ ambéc sakoḡnina wanḡac. ¹⁷Ac kiwi ménḡ imi yomuhuc hezac; Neḡ gi ic embac hénia hénia ionac maḡgocgina wambésémaḡ niḡac kumugénzua. Waḡu Anutu Abarahamnéhḡ ninzéhḡgé miyec imi yomuhuc; Humuc ic meqelima iwawai ménda kekera imi iwawai kekera igucnec unuruanḡac ésécnec unuruyu hicḡianḡac. ¹⁸Abarahamnéhḡ héḡu mambécma kecmacac séc qahac waḡec, néḡ kileḡ mambécma ninzéhḡgéyec. Imi mia qelihécga imi yomuhuc wammu zéma ézéyec séc ic embac hénia hénia ionac maḡgocgina wammac niḡac imuhuc hicḡiyec. ¹⁹Yawuḡa 100 waḡu eḡeya séwiya imi humuc tanec waḡec. Waḡu Sarawac merac gésia imi acguc humuc tanec waḡec imi niḡtegirec. Waḡu ninzéhḡ ninzéhḡawac kuhanéhḡ ménda mayec. ²⁰Waḡu ninzéhḡ ninzéhḡanéḡ ménda waimiyu Anutuac sisipac ac imuac niḡ éréhéc ménda waḡec, néḡ ninzéhḡ ninzéhḡiguc naḡselima Anutu eeya héiyec. ²¹Imuhuc wamma ac zikima ézéyec imi wandacmac ac séc zéma hélacnec ninzéhḡgéyec. ²²Imuac niḡac ninzéhḡ ninzéhḡ imuac mia solaḡa zémiyec. ²³Solaḡa zéma nimmiyec ac ooya imi Abarahamac niḡacnec sac qahac, ²⁴Imi mia solaḡa zé énécmimacac buḡa neḡaḡ zéma Miḡ Kewunina Yesu humuc ic ionarunec meqeliyec Anutu i ninzéhḡgé mimuac heyec neḡaḡ niḡac momacnec imuhuc ooyawac hezac. ²⁵Yesu imi késpedesicnina niḡac humuciguc opocopora waḡec. Waḡu imuhucyanec solaḡa zénénécmimac niḡac meqli miyu yarec.

Yesunéhḡ luae mihicḡi nénécmiyec imuac zézé ségiségi wambiḡ.

5 ¹Imuac bec, nini imi ninzéhḡ ninzéhḡ niḡac solaḡa zénénécmiyec, imuac niḡac Miḡ Kewunina Yesu Kristoac muru héima Anutuguc luae mihicḡiyiḡac kecziḡ. ²Imuacnec iwacmuru héima ninzéhḡ ninzéhḡ ninanéḡ Anutuac ewa hiayaiguc keremma imuac qeriaiguc namma Anutuac edamuyawac mambéc kecma zézé ségiségi wamma kecanziḡ. ³Imi sac qahac, neḡaḡ imi zéra béraiguc kecma imuhucyanec zézé ségiségi waḡanzziḡ. Imuac hénia imi zérabéranéhḡ bisiqatéḡ wamma kekec, ⁴bisiqatéḡ wamma kekecnéhḡ haka eeyaguc, waḡu haka eeyagucnéḡ niḡkumuma kekec imi mihicḡianḡac imi nini nindaczziḡ imuac mia imuhuc waḡanzziḡ. ⁵Waḡu Uḡa Téréya neḡaḡ buḡawac nénécmiyec inéhḡ Anutuac goi héihéi neḡaḡ ewa qerininaiguc qocgé nénécmiyecac nénécmianḡac. Imuac niḡac niḡkumu ninanéḡ gamu ménda mihicḡi nénécmimac. ⁶Imi mia neḡaḡ kuc mama météqététaḡ

keriŋ nalé imuaru Kristonéŋ naléya waŋu késpedesic ic neŋaŋ niŋac wamma humuyec. ⁷Ic solaŋa méŋac niŋac wamma humu humumia imi osiosiya. Waŋu ic hiabia méŋac niŋac méŋneŋ hia efima humumac me qahac niŋ éréhéc wanŋua. ⁸Néŋ neŋaŋ késpedesic ic keriŋ imuaru Kristonéŋ neŋaŋ niŋac wamma humuyec. Waŋu haka iminéŋnec mia Anutunéŋ eŋeya goi héihéiya neŋaŋ muru mewinini nénécmiyec. ⁹Waŋu neŋaŋ deguc iwac sacyanéŋ mesolaŋi nénécmimia wanŋac. Waŋu iminéŋnec sac qahac, inéŋ kecma Anutuac qeri geric igucnec nénépésidacmac. ¹⁰Imi mia hazéchéra wamma keriŋ nalé imuaru naŋawac humucyaiguc Anutuguc ewa momac mihicŋi nénécmiyec. Imuac niŋac iwac kekec hémbénaŋaiguc imi, séc ménŋ ogicma mehiaru nénécmimac. ¹¹Iminéŋnec sac qahac, ala kekec deguc mihicŋi nénécmiyec neŋaŋ Miŋ Kewunina Kristo Yesu iwac niŋac wamma Anutuac qeriaiguc zézé ségiségi waŋanŋiŋ.

Adam zéma Yesu.

¹²Imuac bec ic momacgucac niŋac késpedesicnéŋ baeciguc haréyec. Haréyu késpedesic imuac niŋac mia humucnéŋ haréyec. Waŋu ic embac moczoŋ yandanéŋ imuhucyanec késpedesic wandacgic humucnéŋ ionac muru hadarec. ¹³Késpedesic imi héna ac ménda heyec imuaru baeciguc bec heyec. Néŋ héna ac ménda hezac imuaru imi késpedesic imi ménda olombiŋac séc. ¹⁴Waŋu Adam imi ménŋ hamacac heyec iwac asé wanŋac. Imuac niŋac Adamwac nalé igucnec éréma Moseac nalé imuac suraiguc imi, Adamnéŋ késpedesic waŋec késpedesic imuhucya ménda waŋgic ionacmuru imuhucyanec humucnéŋ ic kewu waŋ énécmiyec.

¹⁵Néŋ ic momacgucac késpedesic niŋac ic embac sasala humugic, waŋu imuhucyanec Anutuac ewa hia zéma ic momacguc Kristo Yesuac ewa hia niŋac sese énécmiyu ic embac sasala sécgé énécmiyec. Imuac niŋac sese imi késpedesic imuac sécy a qahac. ¹⁶Waŋu ic momacguc késpedesic waŋec idacminéŋ sese imuac séc qahac. Ic momacgucac késpedesic niŋac késpedesicac zégésigésinéŋ haréyec. Waŋu Anutunéŋ ewa hia niŋac késpedesic sasala imi ménda olomma solaŋ dindiŋa zénénécmiyec. ¹⁷Ic momacgucac acqeŋe niŋac humucnéŋ ic momacguc inéŋnec ic kewu waŋ énécmiyec. Waŋu ewa hia zéma solaŋ dindiŋawac buŋa kuaya qeqeya mezu ieneŋ imi momacguc Kristo Yesunéŋnec kekec hélawac qeriaiguc eŋaocnec ic kewu wamma kecmu. ¹⁸Imuac ic momacgucac acqeŋe niŋac ic embac moczoŋ késpedesic ginaguc zéénécmimia waŋec. Waŋu imuhucyanec haka solaŋa momacguc niŋac ic embac moczoŋ solaŋa zéénécmimia waŋu kekec hélaiŋuc kereŋdacgic. ¹⁹Ic momacgucac acqeŋe niŋac ic embac sasalanéŋ késpedesic ic waŋgic ésécnec ic momacgucac niŋtohotoho niŋac ic embac sasalanéŋ ic solaŋa wammuac hezac. ²⁰Késpedesic meyandimaŋ zé héna acnéŋ haréyec. Waŋu késpedesic toroŋeqeya imuaru ewa hianéŋ muŋguc yanda sécgé énécmizac. ²¹Imi mia késpedesicnéŋ humuc qeriaiguc

ic kewu waŋec ésécnec ewa hia imi acguc solaŋ dindiŋa niŋac ic kewu waŋzac. Waŋu ewa hia iminéŋ Miŋ Kewunina Kristo Yesu inéŋnec kekec hémbénaŋa igucgeŋ nonagicma keremmacac hezac.

**Képésicac muru humuma
Kristoac muru kecbiŋ.**

6 ¹Imuac némac ac dimuhuc zéwiŋ? Ewa hiaya toroqeŋeya mihicŋiwiŋ zé biria wammanec kecbiŋ? ²Imuhuc wambiŋac séc qahac! Neŋaŋ biriawac muru humudariŋ, imuac dimuhuciguc biria qeriaiguc munguc yanda nammanec kecbiŋ? ³Yesu Kristoac muru toroqema doku naeriŋ imi iwac humuciguc momacnec toroqema naeriŋ waŋzac. Waŋu hénia imi ménda niŋasarizu? ⁴Maŋgocnéŋ edamuya mewininima Kristo imi humuc ic ionac sugina igucnec meqelimiyeŋc ésécnec neŋaŋ acguc kekec qeliawac qeriaiguc tima kembiŋ niŋac humucac qeriaiguc kereŋ kereŋawac doku naec haka wanni i guc momacnec téŋgé nénécmimia waŋec. ⁵Neŋaŋ imi iwac humucya méndacma toroqeŋeya wamma kecbiŋiguc, iwac yacyaciguc imuhucyanec toroqeŋeya wambiŋac hezac. ⁶Waŋu kápésicac buŋa séwinina imi humuyec. Imuac niŋac muŋguc biriawac welenŋ qeŋe ménda wammiwiŋ niŋac neŋaŋ hakanina wahala imi i guc momacnec ic héŋgeŋa wéndaraiguc qeni humuyec imuhuc zéma ninziŋ. ⁷Imi mia méŋnéŋ méŋ humuyec imi kápésic igucnec hulacmima solaŋa zémimia waŋzac hénia imuac mia. ⁸Kristoguc humuyiŋiguc imi i guc momacnec kecbiŋac hezac imi ninzéŋgéziŋ. ⁹Imi mia Kristonéŋ humuc ic ionac sugina igucnec yarec imuac niŋac muŋguc ménda humumac. Waŋu humucnéŋ galeŋ muŋguc ménda wammimac imi niŋasariziŋ imuac mia. ¹⁰Humuyec imi biriawac muru hatac momacguc sac humuyu tecgéyec. Deguc kekec keczac imi Anutuac muru keczac. ¹¹Imuhuyanec, ini acguc eŋaŋ niŋac niŋgic biriawac muru humugic, néŋ Anutuac muru imi Kristo Yesuac qeriaiguc kecziŋ tanec wammac.

¹²Imuac niŋac, kápésicac qeŋetali wammigic, kápésic eŋeyaoc séwigina houmacac hezac imuac ic kewu ménda wammimac. Waŋu séwiac siŋ ménda niŋtohomu. ¹³Waŋu onac séwi taségina méŋac méŋ tewi zakoŋ ac qeŋe wawaŋa ésécnec biriawac buŋa ménda qemimu. Waŋu eŋaŋac niŋgic humuc igucnec qelima yacyawac buŋa waŋu Anutuac muru haiamuma séwi taségina imi moczoŋ solaŋ dindiŋawac tewi zakoŋ ésécnec haiamumu. ¹⁴Ini imi héna acac méra bawaiŋac ménda keczu, néŋ ewa hiawac méra bawu keczu imuac niŋac kápésicnéŋ maŋgoc ménda waŋ énécmimacac hezac.

**Haka solaŋ dindiŋawac welenŋ
qeŋe icya.**

¹⁵Imuac bec dimuhuc wambiŋ? Nini héna acac méra bawu ménda kecma ewa hiawac méra bawu kecziŋ zéma kápésic wambiŋ? Imuhuc

ménda hicjamac! ¹⁶Ini mérac méri welen qemima niŋtohoanŋuiguc, niŋtoho wammianŋu iwac welen qeqehéra wanŋu imi ini ménda ninŋu? Tosara imi kérépicac welen qeqehéra wamma humuciguc kerejanŋu. Waŋu tosara imi niŋ tohotohowac welen qeqehéra wamma solan dindiŋaiguc kerejanŋu. ¹⁷Imuac Anutu ewa hia ac ézému. Imi mia ini hénia hénia igucnec kérépicac welen qeqehéra kecgic, néŋ pakeŋ ac énézégic imuac nanaja imi ewa qeriginanéŋ niŋtohogic. ¹⁸Kérépic igucnec hulac énécmimia wamma solan dindiŋawac welen qeqehéra wanŋic hénia imuac mia. ¹⁹Ini séwigina mété qététaŋiguc kecanŋu imuac niŋ ni ic neŋaŋ murugeŋ séc héima zéwa niŋgic; Becnec ini imi séwiginawac tasia imi haka biria zéma héna ac logilogi imuac haimima héna ac logilogi imuaru kereŋgic. Waŋu deguc imi imuhucyanec séwiginawac tasia imi solan dindiŋawac welen qeqe buŋa qema kekec téréyaiguc keremmu. ²⁰Ini kérépicac welen qeqehéra kecgic nalé imuaru solan dindiŋa igucnec hulac amuma ewa éréhéc ménda wamma kecanŋic. ²¹Waŋu nalé imuaru ini imi kekecac héla gocmia dimuhucya mihicŋiaŋgic? Waŋu deguc imi, imuac tetcgia imi humuc zéma niŋasarima haka imuhucyawac gamugina ninŋu. ²²Waŋu deguc ini kérépicgina igucnec hulac énécmimia wanŋu. Imuhuc wamma Anutuac welen qeqehéra wamma kekec téréya imuaru kereŋ kereŋawac héla gocmia mihicŋianŋu. Waŋu imuac tetcgiaiguc imi kekec hémbénaŋanéŋ mambéc keczac. ²³Kérépicac tasia imi humuc. Waŋu Anutuac ewa hiawac ai buŋa imi kekec hémbénaŋa. Kekec seli imi mia Miŋ Kewunina Yesu Kristoac qeriaiguc he nénécmizac.

Uŋa téréyawac héna qeliaiguc kekera.

7 ¹Alahécna, héna ac ninŋu onac qesi énécmizua, ini imi héna acnéŋ kekecginaguc keczu ionac sac maŋgoc waŋ énécmianzac imi ménda ninŋu? ²Embac euyaguc imi euya kekecyaguc kecanzac nalé imuac sura igucnec sac héna acnéŋ dérécgé mianzac. Waŋu euya humuyu eu iniŋac héna ac igucnec hulacmimia waŋanzac. ³Imuac bec, euya kerunec ic méŋ memaciguc imi embac kaiseroya zémimia wammac. Néŋ euya humumaciguc imi imuac héna ac igucnec hulacmimia wammac. Waŋu ic méŋ memac imi embac kaiseroya ménda wammac. ⁴Imuac, alahécna, ini acguc Kristoac séwiguc toroqema héna acac muru unuhumumia wanŋu. Imi mia méŋ humuc igucnec qelima yarec iwac muru kemma neŋaŋ Anutuac niŋac wamma héla gocmia mihicŋiwiŋ niŋac imuhuc waŋ nénécmiyec. ⁵Neŋaŋ séwininaiguc kerij imuaru imi kérépicac siŋ héna acnéŋ héiqeli nénécmianzac iminéŋ séwininawac tasiaiguc ai meyu neŋaŋ imi héla gocmia humucac buŋa mihicŋiaŋiŋ. ⁶Deguc neŋaŋ imi qaténénécmiyec imuac humudariŋ imuac niŋac héna ac igucnec hulac nénécmimia wanzac, imuac niŋac neŋaŋ héna ac ooyawac haka wahalanéŋnec qahac, néŋ uŋawac haka qelianéŋnec welen qewiŋ.

Képésicac kuhanéj méramma nénépésianzac.

⁷Imuac dimuhuc zéwiŋ? Héna ac iminéj késpedes me? Qahac! Ic enia wambacnec imi késpedes imi ménda niŋacgéwinec. Héna acnéj hémbaoc ménda wanna imuhuc ménda zéwacnec imi hémbaocac hénia ménda nimbinec. ⁸Waŋu késpedesnéj naléya mihicŋima héna acnéj nec ewa qerinaiguc hémbaoc hénia hénia mihicŋi néj ec. Héna imi yomuhuc; Ic enia waŋu késpedes acguc humu humumia wanzac. ⁹Becnec héna ac ménda niŋtegiri nalé imuaru imi neŋ kekecnaguc keru. Waŋu héna acnéj haréyu késpedesnanéj qelima yaru ni humuyi. ¹⁰⁻¹¹Késpedesnéj naléya mihicŋima héna acnéj nec ni manam batuc waŋu némma héna ac iminéj mia ni nuhumuyec imuac niŋac. Héna ac imi kekecac buŋa, néj neŋ hémba melemma humucac buŋa tanec waŋec. ¹²Imuac héna ac imi hélacnec téréya wanzac. Zézépaŋ ac imi acguc téréya, solaŋ dindiŋa, zéma hiabia.

¹³Imuhuc waŋu iwawai hiabianéj melemma nuacmuru humucac buŋa waŋec me? Imuhuc wammacac séc qahac! Imi mia késpedesna hémba késpedes tanec wammac niŋac iwawai hiabia iminéj ni nuhumuyec. Imi mia késpedesac nimba késpedes réwéria tanec wammac niŋac héna acnéj ai meanzac. ¹⁴Héna ac imi téréya imi nini nindaczŋi. Waŋu ni imi séwac siŋ niŋac wamma kecba késpedesnéj boŋna meyu imuac welenŋ qemianzua. ¹⁵Hénia imi yomuhuc; Qeri uŋananéj waŋu nénzac imi ménda wamma haka tosara sureanzua imuac mia waŋanzua imuac niŋac haka waŋanzua imuac hénia imi nenaoc ménda niŋasarizua. ¹⁶Ni ménda wammaŋ zé waŋu nénzac imuac wammaŋiguc ewa siŋ iminéj héna ac imi hiabia wanzac imuac héipuc wanzac. ¹⁷Waŋu deguc haka wawaŋa imi ni nenaoc qahac, néj késpedes ewa qerinaiguc heanzac iminéj mia waŋanzac. ¹⁸Nuac qerina me nuac séwinaiguc^f iwawai hiabia ménŋ ménda henénzac imi ni niŋzua. Haka hiabia wammaŋ zé siŋna henénzac, néj wawaŋ memenaiguc imi ménda waŋanzua. ¹⁹Haka hiabia wammaŋac qerinanéj waŋu nénzac imi mia ménda wamma haka biria ménda wammaŋac niŋzua imuac mia waŋanzua. ²⁰Haka ménŋac ménŋ neŋ ménda wammaŋ zé niŋanzua imi wammaŋiguc, imi mia nenaoc qahac, néj biria qerinaiguc nanzac iminéj mia waŋanzac. ²¹Imuac ni kekecac hénia ménŋ yomuhuc niŋtegiŋzua; Haka hiabia wammaŋ zé siŋna henénzac ni imuhucya qerinaiguc birianéj momacnec henénzac. ²²Nuac qeri uŋananéj Anutuac héna ac imuac ségiségi wanzua. ²³Nuac séwi taséna qeriaiguc siŋ ménŋnéj henémma nuac ewa qerinawac héna ac imiguc euma ni nuagicma séwi tasénawac qeriaiguc siŋ hezac imuac hésa ic nopocanzac. ²⁴Oo yéwérinaguc, séwina humucac buŋa imuacnec

^f 7:18 Séwinawac siŋiguc.

méréneŋ metecgé némmac? ²⁵Ni Miŋ Kewunina Yesu Kristo iwac muru héhélima Anutu ewa hia ac wammimarŋ.

Imuac mia ni ewa qerinanéŋ Anutuac héna ac welenŋ qema séwinanéŋ biriawac héna ac welenŋ qeanzua.

**Séwiac siŋnéŋ humuciguc, Uŋawac siŋnéŋ kekec
hémbénaŋaiguc onagicma kenzac.**

8 ¹Imuac bec ic embac Kristo Yesuac qeriaiguc kecanzu ionac muru imi késpedes ginaguc zéénécmimia imi ménda hezac. ²Hénia imi yomuhuc; Yesu Kristoac qeriaiguc kekecac Uŋa imuac héna ac keczac iminéŋ mia humucac késpedes imuac héna ac igucnec ni hulac néŋec,⁸ ³imuacnec Kucnina mamaya waŋu iwawai héna acnéŋ séwininaguc wammacac séc qahac imi Anutunéŋ waŋec. Inéŋ mia késpedesnina niŋac eŋeya Naŋa méliyu séwinina késpedesyaguc imuhucyanec hicŋiyec. Hicŋiyu zétecgéyu késpedesnina imi séwiyaguc eŋec. ⁴Imi mia séwiac siŋ qahac néŋ Uŋawac siŋ méndacma kecanziŋ neŋaŋ muru héna ac imi mesolaŋanimarŋ zé imuhuc waŋ nénécmiyec. ⁵Séwiac siŋ méndacanzu ieneŋ séwiac ai niŋac niŋkumanzu, néŋ Uŋawac siŋ méndacanzu imi eneŋ Uŋawac ai niŋac niŋkumuanzu. ⁶Waŋu séwiac niŋkumuma kekec imi humuc, waŋu uŋawac niŋ kumuma kekec imi kekec zéma luae. ⁷Némac niŋ, séwiac niŋkumu imi Anutuac hazéc waŋanzac. Imi mia Anutuac héna ac imiguc ewa momac ménda waŋanzaoc, waŋu imuhuc wammaocac séc qahac. ⁸Séwiac siŋiguc kecanzu imi eneŋ Anutu ségiségi mihicŋi mimuac séc qahac. ⁹Néŋ ewa qeriginaiguc Anutuac Uŋanéŋ keczaciguc ieneŋ séwiac siŋiguc ménda kecma uŋawac siŋiguc kecanzu. Méŋnéŋ méŋ Kristoac Uŋaguc ménda keczaciguc Kristoac ic qahac. ¹⁰Waŋu Kristonéŋ ewa qeriginaiguc keczaciguc késpedes niŋac séwiginanéŋ humumia wanzac, néŋ uŋaginanéŋ solaŋ dindiŋa niŋac kekecyaguc wanzac. ¹¹Yesu humuc ic ionac sugcina igucnec meqeliyec iwac Uŋanéŋ ewa qeriginaiguc keczaciguc, Kristo Yesu humuc ic ionac sugcina igucnec meqelimiyeŋ inéŋ mia Uŋa Téréya ewa qeriginaiguc keczac iminéŋnec humucac buŋa séwigina imi acguc meqeli énécmimac. ¹²Imuac niŋac dacmuna hécna neŋaŋ imi taséninaguc, waŋu tasénina imi séwigucac zéma séwiac siŋ méndacma kecbiŋac ménda hezac. ¹³Ini séwiac siŋ méndacma kecmuiguc, kilenŋ humumu, néŋ Uŋaguc séwiac wawaŋ meme imi qehumumuiguc, kekecguc kecmuac hezac. ¹⁴Anutuac Uŋanéŋ qindiŋi énécmiyu kecanzu imi eneŋ Anutuac naŋhéra wanzu. ¹⁵Ini imi welenŋ qeqeac uŋa zénéŋ hirihiri wawaŋa imi ménda késa keczu, néŋ naŋa éséc kekerawac uŋa énécmiyu keczu. Imuac niŋac iwac mia Aba^h maŋgoc zéma qacanzu. ¹⁶Uŋa Téréya eŋeyaoc, qeri uŋaninaguc,

⁸ 8:2 Girik ac zéma Kiwi tosaraiguc; Hulacgéŋec. ^h 8:15 Aram aciguc Maŋgoc.

nini Anutuac nambérac kecziḡ imuac héipuc waḡ nénécmianzac.
 17 Nambérac héra kecziḡiguc imi mératéc meme ic wanziḡ. Imi mia méḡac qahac, néḡ Anutuac mératéc ic, Kristoguc momacnec mératéc ic wambiḡac hezac. Imuac niḡac i guc momacnec edamuninaguc wambiḡ zé zérabéra imi acguc i guc momacnec mihicḡiwiḡac hezac.

**Kecma edamuninaguc
wambiḡac hezac.**

18 Zérabéra deguc mihicḡianziḡ imuac nimba efefia wanzac. Waḡu iminéḡ kecma edamu hicḡi nénécmimac imuac sécyá ménda wanzac.
 19 Anutunéḡ zéyu hicḡidacḡic moczoḡ yanda iminéḡ Anutuac nambérac héra hicḡimu niḡac ewa ewa wamma mambéc keczu. 20 Hénia imi yomuhuc; Zéyu hicḡidacḡic momac yanda imi, iwawai héla qahac imuac weleḡ qema keczu. Waḡu imi mia eḡaḡ siḡgina qahac, néḡ Maḡoc waḡénéc énécmia iwac ewa siḡ méndacma imuhuc hicḡi énécmizac;
 21 Zéyu hicḡima kekec imi acguc iwawai houhouyawac weleḡ qema kekec imuacnec hulac énécmiyu Anutuac nambérac héra ionac kekec edamuyaguc imuac toroqema qutuma kecmu. 22 Iwawai zéyu hicḡima keczu imi moczoḡ yanda momacnec yaiwisisiḡ wamma merac memeiḡuc qenzeḡ qeanzu ésécnec wamma érékecma deguc, imi neḡaḡ nindacziḡ.
 23 Imi sac qahac, Uḡa téréyawac héla gocmia walac walac hicḡihicḡiyaⁱ aḡḡéḡ tima kecziḡ neḡaḡ imuhucyanec ewa qerininanéḡ yaiwisisiḡ wamma naḡawac séc nénépésima séwinina boḡ hére ménénécmimac niḡ mambéc kecziḡ. 24 Neḡaḡ imi qerininanéḡ mambéc wamma kecma aḡḡéḡ titi mihicḡiyiḡ. Waḡu kicninanéḡ hémbiḡac séc imuac ménda mambéc kecanciḡ. Mérénéḡ kiwaiguc hemizac imuac mambéc wammac? 25 Waḡu neḡaḡ iwawai ménda hénziḡ imuac mambéc wanziḡiguc qeri bénzézḡiguc mambéc wambiḡ.

26 Imuhuyanec Uḡa imi acguc kuc mama ninaiguc méra nénécmianzac. Neḡaḡ némac acnéḡ dimuhuc zéwelec wanni sécgémac imi ménda ninziḡ, néḡ Uḡa eḡeyaoc neḡaḡ niḡac wamma acnéḡ zéwiḡ zé osiosiya imuac séciḡuc yaiwisisiḡ wamma zéwelecanzac. 27 Waḡu Uḡanéḡ Anutuac ewa siḡ hezac séc méndacma ic embac téréya ionac zéwelecanzac. Imuac niḡ qeri héhéḡ miḡina Anutunéḡ Uḡawac niniḡ imi bec nindaczac.
 28 Neḡaḡ ninziḡ ésécnec, Anutunéḡ ewa siḡ heyec séc unuruyec. Waḡu goi héihéi wammianzu ionac muru imi iwawai moczoḡ yandanéḡ qenaḡḡé amuma iwawai hiabia mihicḡi énécmianzac. 29 Anutunéḡ eḡeya Naḡa imi dacmuna sasala sugginaiguc walacgina wammac niḡac, becarunec niḡénécmiyec imi eneḡ eḡeya Naḡa ésécnec kecmu niḡac walac gési énécmiyec. 30 Waḡu walac gési énécmiyec imi unuruyec. Waḡu

ⁱ 8:23 Hénia imi Kristo Yesu.

unuruyec imi onac solarj dindiŋa zéénécmyec. Waŋu solarj dindiŋa zéénécmyec imi meyac énécmiyu edamuginaguc waŋgic.

Anutuac goi héihéi Kristoguc hicŋitegirec.

³¹Waŋu neŋaŋ haka imuac dimuhuc zéwiŋ? Anutunéŋ nonac wamma keczaciguc méréneŋ hia hazéc waŋ nénécmimac? ³²Eŋeya Naŋa imi ménda aŋgéné tima momac yanda neŋaŋ niŋac wamma wai nénécmiyec inéŋ dimuhuc iwawai tosara moczoŋ yanda imi i guc momacnec ewa hiawac ménda nénécmimac me? ³³Solarj dindiŋa zéyec imi Anutu mia, waŋu méréneŋ Anutuac gési énécmimia imi aciguc hia onopocmuac séc? ³⁴Méréneŋ késpedesicninaguc zéma hia zétecgé nénécmimacac séc? Yesu Kristo inéŋ mia nonac niŋ humuyec. Waŋu humuyec sac qahac néŋ muŋguc qelima yarec. Yacma ou emma Anutuac méra héiyaiguc kecma nonac niŋ héipuc wamma zéwelec waŋanzac. ³⁵Méréneŋ Kristoac goi héihéiya igucnec hia elicgé nénécmimacac séc? Manambatuc me, qenzey manzey me, nununesi me, béti me, séwi usu qahac kecec me, zérabéra me, sou? ³⁶Kiwi méŋ yomuhuc ooyawac hezac; Nini guac niŋ wamma kaiwe herec humumia nunuhéi wanzu. Waŋu nonac niŋgic rama unuheric wawaŋawac buŋa tanec waŋec. ³⁷Waŋu neŋaŋ imi réwéri imuhuya me imuhucyaiguc kecma goi héihéi waŋ nénécmianzaciguc séc méŋ ogicqogic waŋanzij. ³⁸Imuac ni yomuhuc niŋseli nénéŋa wanzac; Humucnéŋ me, kekecnéŋ me, kua meme uŋa eneŋ me, héŋgaleŋ miŋina eneŋ me, iwawai imuhucya deguc heheyanéŋ me, bian hicŋi hicŋiyanéŋ me, kucŋinaguc méŋnéŋ méŋ me, ³⁹Iwawai ou nec mamayanéŋ me emunec éré éréyanéŋ me, tosara méŋnéŋ méŋ moczoŋ Miŋ Kewunina Yesu Kristo iwac qeriaiguc Anutuac goi héihéi hezac goi héihéi imuacnec mia elicgé nénécmimacac séc qahac.

Anutuac ewa siŋ téréya.

9 ¹Ni Kristoac qeriaiguc ac héla zézua, néŋ ac ikoc ménda zézua. Nuac ewa solarjanéŋ Uŋa téréyawac qeriaiguc héipuc wannemma yomuhuc zéauzac; ²Nuac muru ewa biric yanda henénzac. Waŋu ewa qerinaiguc qenzey manzey ménda misi misiyanéŋ hezac. ³Ni nena séwinawac dacmuna hécna, sac kitichécna ionac niŋac wamma saecgé nénéŋa wamma Kristoac murunec hia qetecgé nénéŋa wambacnec séc zéma zéweleri. ⁴Ieneŋ mia Israel ic. Waŋu Anutuac naŋhérawac buŋa zéma eebipi zéma zikiziki ac ooya zéma héna ac énécmimia zéma mepé qepési ai buŋa zéma sisipac acŋinaguc. ⁵Yanda hécnina imi acguc ionac buŋa, waŋu baecac séwiiguc imi Kristonéŋ ionac murunec hicŋiyec. Waŋu Kristo imi mia iwawai moczoŋ yanda imi onogicma ou keczac.

j 8:38 Kiwi tosaraiguc uŋa biria.

Waņu Kristo imi nalé tetcgia qahac mepé qepési wammiwiņac hezac Anutu imi mia, hélacnec!

⁶Waņu Anutuac ackuažéc imi sigima mazac tanec ménda wanžac. Israel ionac murunec hicņihicņiya imi Israel ic héla ménda wandacgic. ⁷Waņu Abarahamac qelihéra imi acguc qelihéra héla ménda wandacgic, néņ Isakawac murunec hicņihicņiya sac qelihécga zé énécmimia wammac zéyec. ⁸Imi mia séwiguc qelihéranéņ Anutuac nambérac héra qahac, néņ zikiziki acac nambérac héranéņ héla gocmia zéma niņénécmiyec. ⁹Waņu zikiziki ac imi mia yomuhuc; Yawuņ oumuac nalé imuhucyanec muņguc hamaņ, waņu Saranéņ naņaguc wammac. ¹⁰Waņu imi sac qahac, Rebeka imi yandanina Isaka momacguc iwac murunec hériyaguc waņec. ¹¹(Waņu Anutuac ewa siņ iminéņ wawaņ meme igucnec qahac, néņ ic méņac méņ niņgésima ururumac ionac muru sac seligimac niņac hezac. Waņu hénia imi zéaumaņ zé ¹²naņ héréra ménda mihicņi érécmiyu haka hia me biria méņ ménda waņocnec) Rebeka yomuhuc éžéyec; Kuneņ néņ komora weleņ qemimac. ¹³Imi mia kiwi méņ yomuhuc ooyawac hezac séc hicņiyec; Yakop siņ nimmima Esau héņara mezua.

¹⁴Imuac neņaņ dimuhuc zéwiņ? Anutuaru késpedes hezac me? Qahac téņgēņ! ¹⁵Inéņ Mose yomuhuc éžéyec; Méņac méņ ewa biric nimmaņ iwac mia ewa biric wammimaņ. Waņu méņac méņ wéséna wanžac iwac mia wéséna nimmimaņ. ¹⁶Imuac niņac imi mia ic méņac ewa siņ igucnec qahac, waņu ic méņac seliseli igucnec qahac, ewa biric miņina Anutuac murunec haanzac. ¹⁷Ac méņ Faraoac zéyec imi kiwiiguc yomuhuc ooyawac hezac; Ni guac muru nuac kucna mewininima nuac qacna baera baera zéau énécmimaņ niņac gi meyacgénzua. ¹⁸Imuac Anutunéņ ewa siņa méndacma méņac imi ewa biric wammima méņac imi ewa seli mihicņi mianžac.

Anutuac qeri biric zéma goi héihéi.

¹⁹Waņu ac bakia yomuhuc nézéwésémaņ gezaņ; Imuhuc waņu Anutunéņ némac niņac késpedesninawac hochoc ai mekeczac me? Méréneņ iwac ewa siņ qetalimacac séc? ²⁰O baec ic, gi méréneņ Anutuac ac bakia melenzaņ? Iwawai méņneņ miņina mihicņi miyec iwac zéma Némac niņac ni yomuhuc mihicņi nénnec? imuhuc hia zémac me? ²¹Miņ Kewuc nomuņ memenéņ qakéņ dac momacguc iminéņnec kewuc éréhéc memaņ zéma, méņ ai eeyagucac buņa waņu méņ ai biriawac buņa wammac zéma eņeya siņa méndacma hia ménda memac me?

²²Anutunéņ qeri biric waņ énécmima eņeya kuha mewinini énécmiyu héņtegicmu niņac kewuc qeri biricac buņa, mebiri énécmimiawac zéréņ qéréņ wandac wandara imi nalé horua gum bēnzēnzēņ waņ énécmimac iguc dimuhuc zéwiņ? ²³Waņu kewuc méņ walac memézéžēņ wandac wandara imi wagicma wéséniniņ wammima ai eeyaguc méņac buņa

qemima kekec edamuyaguc kuaya qeqeya imi énézýu hémmu niñac imuhuc wañeciguc dimuhuc zéwiñ? ²⁴Neñañ imi Yuda ic me ic enia ionac sucgina igucnec héihéré nénécmimia kewuc nomuñ imi mia. ²⁵Hoseawac kiwiiguc acguc yomuhuc zézac; Ni nuac ic embac qahac ionac mia nuac ic embachécna zéénécmimañ. Wañu ic embac ménda siñniñ énécmiyi imi onac ic embac sorochécna zéénécmimañ. ²⁶Wañu ic embac tosara nuac ic embac hécna qahac zéénécmimia ionac baec igucnecnéñ, Anutu kekecyaguc iwac nambérac héra zé énécmimia wammu imuhuc zéyec séc hicñi nénécmizac. ²⁷Wañu Yesaianéñ Israel ic onac niñac yomuhuc qacma zéyec; Israelac qelihéra ieneñ konduñ giñgiñawac sakasac ésécnec sasala wammu, néñ bakia wai énécmimia imi onac sac kekec hémbénaña mihicñi énécmimac. ²⁸Hénia imi yomuhuc; Miñ Kewunéñ baeciguc ackuazéc imi focdac meselimaguc aiya metecgémac. ²⁹Yesaianéñ walac yomuhuc zéyec éséc; Wañu Miñ Kewu pupunda ginanéñ sucnina igucnec wariha mén ménda wai nénécmiwacnec nini imi Sodom zéma Gomora ésécnec birima qahac wambinac.

Israel ieneñ ewa éréhéc wamma ménda ninzéñgégic.

³⁰Imuac bec néma ac zéwiñ? Ic enia ieneñ kekec solañawac ménda nesima keñgic ieneñ mia kekec solaña mihicñigic. Imi mia solañ dindiña ninzéñ ninzéñ igucnec. ³¹Wañu kekec solañawac héna ac nesima keñgic Israel ic ieneñ imi héna ac imuaru keñ bipigic. ³²Imi némac niñ? Imi mia ieneñ ninzéñ ninzéñiguc ménda héima namma wawañ memeiguc héima nañgic. Wañu imuac niñac mia ieneñ qonzonon gégéyawac hociguc qonzon tonégic. ³³Kiwi mén yomuhuc ooyawac hezac; Héñgic neñ qonzon tonégéyawac hoc zéma maunu unuyawac baña mén Zion amaiguc haiwa hemac. Wañu méñnéñ mén i ninzéñgé mimaciguc gamu mamasuñ ménda wammac.

10 ¹Dacmuna hécna, ewa siña zéma zéwelec welecna imi Israel ic ionac niñac wamma añgéñ tiénécmimac niñac Anutuac muru haianzua. ^{2a}Ni yomuhuc héipuc ac wanzua; ³Ieneñ imi Anutuac solañ dindiña imi ménda niñasarima eñañ solañ dindiña imi meyacgéwiñ zé ai yanda mema Anutuac solañ dindiña imuac méra bawu ménda kecgic.

^{2b}Imuac niñac, ieneñ imi Anutuac wamma seliseli wañgic, néñ niniñ solañaiguc ménda héima nañgic. ⁴Kristo imi ninzéñ ninzéñ ic moczon yanda solañ dindiña mihicñi énécmimañ zé héna acwac tetecgia wanzac. ⁵Mosenéñ yomuhuc oyecac hezac; Haka solaña héna ac igucnec hahaya wañanzu imi eneñ solañ dindiña imuacnec héima kecmu. ⁶Wañu solañ dindiña ninzéñ ninzéñ igucnec hahayanéñ yomuhuc zézac; Geñga ewa qerigaiguc mérénéñ kurumenjiguc emmac imuhuc ménda zéwésémañ. Imuhuc zéna niñni mérénéñ kurumeñ igucnec Kristo hia wagicma mamac zézañ tanec wammac. ⁷Me mérénéñ humumia ionac

baec dumuŋaiguc hia hiŋgacmac ménda zéwésémaŋ. Imuhuc zéna niŋni mérénéŋ Kristo humuc ic sugina igucnec hia wagicma érémac zézaŋ tanec wammac. ⁸Imuhuc qahac, néŋ dimuhuc zézac? Ac kuazéc imi kuagaiguc zéma qerigaiguc hosucgu hezac zézac. Imi mia ninzéh niŋzéhac ackuazéc zéauanziŋ imuac mia imuhuc zézac. ⁹Guac kuaganéh Yesu imi Miŋ Kewu keczac zéma zéauma Anutunéh i humuc ic ionac sugina igucnec meqelimiyec imi ewa qeriganéh ninzéh géwésémaŋ iguc gi imi aŋgéh tigéhŋgéhna wammac. ¹⁰Ic mén imi, ewa qerianéh ninzéhŋgéma solaŋ dindiŋaiguc kereŋanzac. Waŋu kuayanéh zéauma aŋgéh titiiguc kereŋanzac. ¹¹Kiwi téréyanéh yomuhuc zézac éséc; I ninzéhŋgé mimac ionarunec ménac mén gamu qequeiguc méndagucnec opocopora wammac. ¹²Miŋ Kewu momacgucnéh ic embac momac yanda kewu waŋ énécmima i héihéré migic séc sécŋgé énécmianzac, imuac niŋac Yuda ic zéma Girik ic sécnina imi ekac ekac qahac. ¹³Imuac niŋac ménŋnéh mén Miŋ Kewuac qara qacmac imi aŋgéhna timimac.

¹⁴Waŋu dimuhuc ménac mén ménda ninzéhŋgé mianzu iwac mia hia qac hérému? Dimuhuc ménac mén surucya ménda nimma ninzéhŋgé mimu? Waŋu ménŋnéh ménda zéauénécmiyu dimuhuc nimmu? ¹⁵Ménda méli énécmimia waŋu dimuhuc kemma ackuazéc zéau énécmimu? Kiwi mén yomuhuc ooyawac hezac; Buŋa suruc hiabia kisamma hazu ionac héna tawégina imi hiabia soroc! ¹⁶Waŋu Isirael ic imi buŋa suruc hiabia ménda niŋtohodacgic. Imuac mia Yesaianéh yomuhuc zéyec; Miŋ Kewuna mérénéŋ ackuazécnina imi ninzéhŋgégic? ¹⁷Hénia imuac niŋac ninzéh ninzéh imi ackuazéc niŋanzih imuacnec haanzac. Waŋu ackuazéc imi Yesuac buŋa suruc hiabia imuacnec haanzac. ¹⁸Waŋu zéwa niŋgic; Ieneŋ imi ackuazéc mén ménda niŋgic me? Imi qahacgucnec! Kiwi mén yomuhuc ooyawac hezac; Ewa hétéhŋgina imi baec séc kereŋdarec. Waŋu ackuazécgina imi baec tetcgiaiguc kereŋdarec. ¹⁹Waŋu neŋ yomuhuc qesi énécmizua; Israel ic ieneŋ ménda niŋasarizu me? Mosenéh yomuhuc zéyec; Ni hénaoriŋ hécna qahac imi énépésima Yuda ic ini nimbupuc mihični énécmimaŋ. Waŋu ic embac tosara niŋtegic qiŋtegicgina qahac imi énépésima qeri biricgina mihični énécmimaŋ. ²⁰Waŋu Yesaianéh poriŋa qahac Anutuac kuaya mema yomuhuc zéyec; Nuac niŋ hohoc ai ménda meaŋgic ieneŋ imi ni mihični néŋgic. Waŋu zéqesi ménda waŋ néŋaŋgic ionac muru hični énécmiyi. ²¹Waŋu Israel ionac niŋac yomuhuc zéyec; acna ménda niŋtohoma acqeŋe waŋanzu ionac mia kaiwe herec mérana terere énécmianzua.

Israel ic sasalanéh ewa seli waŋgic.

11 ¹Imuac neŋ muŋguc yomuhuc qesi énécmizua; Imuhuc waŋu Anutunéh ic embachéra nesi nénécmiyu moczoŋ séŋŋaŋŋeŋ kendacziŋ me? Qahacgucnec! Ni acguc Israel ic, Abarahamac qeli,

Benzaminac hicñisai igucnec. ²Anutunéj ic embachéra walac niñnénécmiyec imi héñjacnina ménda meyec. Kiwi téréyaguc Eliawac niñ yomuhuc zézac imi ini ménda niñzu me? Elianéj Israel ic embac aciguc onopocma Anutu yomuhuc zéwelerec; ³Miñ Kewu, ienej guac kua meme ichécga unuhumudacgic. Wañu guac zaki téréyaga imi qetecgégic madarec. Wañu ni sac wainéngic keczuawac deguc ni acguc nuhumuwiñ zé hochoc ai mema keczu. ⁴Imuhuc zéyu Anutunéj ara dimuhuc melej miyec? Neñ ic embac hécna tosara baniara Baalac muru simiñ ménda héimianzu 7,000 nena buña wai énécmiwa keczu. ⁵Imuhucnec nalé yomuac acguc Anutunéj ewa hiawac tosara wai énécmiyu iwac buña keczunec. ⁶Ewa hia niñac imuhuc hicñi nénécmizaciguc, wawañ memenina niñac imuhuc hicñi nénécmizac zéwiñac séc qahac. Imuhuc zéwiñac séc wambacnec ewa hia iminéj ewa hia héla ménda wambacnec. ⁷Wañu dimuhuc niñac? Iwawai Israel ienej hochoc ai megic imi ménda mihicñigic, néj gési énécmimia ienej sac imi mihicñigic. Wañu tosara wai énécmimia ienej imi ewa seli wandacgic. ⁸Imi mia Anutunéj ionac muru imi ewa soho zéma kic hilic zéma gezac héhéj mihicñi énécmiyecac érékecma deguc wanzac. Ac imuhuc ooyawac hezac séc imuhuc hicñizac. ⁹Wañu Dawidinéj yomuhuc zéyec; Nene dokuginawac karocyanéj leletuc zéma simba zéma iwawai qonzon tongé énécmianzac ésécnec wamma kitiwa melej énécmimac. ¹⁰Wañu kicgina siñi déñgéyu ménda hima hémmuac séc wañu, gemacgina imi hémbénaña milicgédacmac.

Oliwa ic hélaiguc haséj oliwawac hawa lagula mema toroqeqeya wañec.

¹¹Zéwa niñgic, ac imuhuc heyu bec, Ienej mama unumac niñac qonzon tongéjic me? Imi qahac! Anjéñ titiac buñanéj ic enia ionac muru kereñdaruguc Israel ic embac ienej nimbupuc nimmu niñac wai énécmiyu képésic wañgic. ¹²Képésic wawañ ginanéj melemma baera baera ic embac ionac mériañ wañu, maqeqe ginanéj ic enia mériañ imuhuc mihicñi énécmizaciguc, howiacnec kuaya qeqeya ginanéj mériañ dimuhucya mihicñi énécmimac!

¹³Ni ic enia onac niñ zézua. Ni ic enia onac méliméli ic wamma kecma, ai imuac nimba eebipiyaguc wañanzac. ¹⁴Imi mia ai imi mema sac taséhéna nimbupuc mihicñi énécmima sugina igucnec dahecac séc mehiaru énécmimañ zé wanua. ¹⁵Nesi énécmiyu keñkeña iminéj baec ic tosara Anutuguc ala kekec mihicñi énécmizaciguc, muñguc énéc énépésianéj iwawai tosara qahac, néj humuc igucnec kekec imi mihicñi énécmimac? ¹⁶Gocmia walac wañiyu megic iminéj téréya wañu saméj iminéjnec ooya imi acguc téréya wanzac. Wañu zalia imi téréya wanzaciguc, imuac hawaya hawaya imi imuhucyanec moczon téréya wanzu.

¹⁷Waņu imuac hawa tosara hézéhé hézéhégia waņu gi haséhac oliwa néh ionac sugginaiguc toroqe géngéña waņecac oliwa héla imuac zalia igucnec doku halécya héréma kecaņa. ¹⁸Imuac hawa walaha tosia imi onogicma séwi eņeņ ménda wambésémaņ. Imuhuc wambésémaņiguc, hénia yomuhuc niņyacgévésémaņ; Geņ oliwa zalia ménda méra mima nanņa, néh oliwa zalianéh gi méra gémma nanņa. ¹⁹Duņa yomuhuc zéwaņ niņac; Imi mia ni imuaru toroqe némmac niņac hawa tosia imi hézéhé hézéhégia waņec. ²⁰Imi hélacnec. Ieneņ imi ménda ninzéhégic hézéhégé énécmiyec. Waņu geņ imi ninzéhégéma namma kecaņa. Imuac niņac séwi eņeņ ménda wamma néwéciguc bac yandi yandi wamma kecbésémaņ. ²¹Anutunéh oliwa eņeya hawahéra téngéhé ménda wai énécmiyu kegciguc, gi acguc hia ménda waigéņu kecbésémaņac hezac. ²²Imuac bec Anutuac goi héihéiya zéma qeri gericya imi héh tegicbésémaņ. Mama unuyec ionac imi gericya mihicņi énécmiyec, néh guac muru imi goi héihéi waņgéhéc. Imuac mia gi imi ménda misimanec goi héihéiya qeriaiguc kecbésémaņ. Qahac waņu, gi acguc qericgémmac. ²³Ieneņ acguc ninzéhé ninzéhé qahac kekec imuaru kegcic ménda horugimaciguc, Anutuac muru toroqe énécmimacac kuha hemizac imuac niņac muņguc toroqe énécmimac. ²⁴Gi haséhac oliwa ura igucnec qericgéhégéña waņec. Waņu ama oliwa héwiņa titiya imuac uraiguc toroqe géngéña waņec. Waņu oliwa hawa téngéhé imi ieneņ, eņa oliwa ic neņgocginawac muru séc dimuhuc onogicma toroqe énécmimia wammac?

Yuda ic imi kecma ackuažéc qeriaiguc kereņdacmu.

²⁵Ala hécna, ini séwi eņeņ ménda wammu niņac ac saņa youmi ini ménda nimmu niņac ménda wanņa. Ac saņa imi yomuhuc; Ic enia ionac qétégina niņ heyec séc harédacmu nalé imuac séc Israel ic ionac suggina igucnec tosara imi ewa seli wamma kecmu. ²⁶Waņu imuhuc mia Israel ic embac moczoņ aņgéhégina tiénécmimia wammac. Kiwi mén yomuhuc ooyawac hezac; Aņgéhé titi icnéh Zion igucnec hama Yakopac qelihéra ionac murunec Anutu eeya ménda héimianņa imi metecgé énécmimac. ²⁷Neņ ionac késpedesgina auénécmimaņ nalé imuaru ionac muru nuac sisipac ac yomuhuc hélaguc wammac. ²⁸Buņa suruc hiabiaiguc imi ieneņ onac niņac wamma Anutuac hazéhéra waņgic, néh gési énécmimia imuac aiiguc imi ionac yanda hécgina niņac wamma ionac goigina héiénécmiyec. ²⁹Anutuac ewa hiawac sese zéma héihéré éné énécmiaiguc imi ewa éréhéc mén ménda hemizac. ³⁰Ini becneç imi Anutuac muru acqeçe wamma kegcic. Waņu deguc imi Israel ionac acqeçe niņac wamma goi héihéi waņ énécmiyu kecçu. ³¹Imuac ieneņ imuhucyanec deguc Anutuac goi héihéi onac muru hezac ésécneç goi héihéi waņ énécmimac niņac deguc ac qeçeiguc kecçu.

³²Imi mia Anutunénj ic moczonj yanda wésé niniñ wañ énécmimanj zé ac qeqetaliiguc onopocma qaté énécmiyec.

Anutuac goi héihéi.

³³Yei Anutuac niñtegic qinñtegic zéma niniña imi qeyu hiñgac hiñgara. Iwac niñgésigési ai imi niñtegicbiñac séc qahac! Wañu hena tianzac imi méndacmiwiñac séc qahac. ³⁴Mérénénj Miñ Kewuac ewa qeria imi ninzac? Mérénénj iwac zémindiñi icya keczac? ³⁵Mérénénj walac Anutu iwawai ménj miyecac kitiwa hia meleñ mimiawac séc? Imi osiosiya. ³⁶Imi mia iwawai moczonj imi miñ kewu iwac murunec zéma inéñnec hicñjima iwac muru lilingéma keñanzac imuac mia. Qac buñayanénj iwac muru hehe seli hema emma hema! Hélacnec!

Séwininanénj Anutuac ocmuñ téréya wammac.

12 ¹Imuac bec, dacmuna hécna, Anutuac wésé niniñiguc zéseli énécmizua; Eñañ séwigina imi mulumanañ téréya kekecyaguc wañu Anutunénj hémma ségiségi wammacac séc héimimu. Iminénj mia qeri uñaginawac mepé qepési héla wammac. ²Ini imi baec yomuac nanañ imuhucya ménda méndacmu, néñ waigic Anutunénj ewa qerigina héiqelima meqeli énécmiyu Anutuac ewa siñ hiabia, eeyaguc, zéma solaña imi niñtegicmu.

³Anutunénj sese néñec imuac séciguc sugcinaiguc icya icya keczu onac mia yomuhuc énézézua; Zénimmuac séc hezac hena imi ogicma niniñ tosara ménda dongéma zénimmu, néñ Anutunénj icya icya ninzénj ninzénj méndénj énécmiyec imuac séciguc niñtegic qinñtegic wamma zénimmu. ⁴Neñañ imi séwi momacguc imuaru séwi taséhéra sasala késama kecziñ. Wañu séwi taséhéra imi moczonj ai buña séc momacgucnec ménda késakeczu. ⁵Imuhucyanec Kristoac qeriaiguc neñañ sasala, néñ séwi momacgucac taséhéranec wamma kecanziñ. ⁶Wañu ewa hiaya méndacma ewa hiawac ai buña nénécmiyec imi eñac eñac. Imuac niñac biañac ara zézé imuac ai késazaciguc imi ninzénj ninzénjawac séhaiguc, ⁷Wañu weleñ qeqe ai késazac imi weleñ qeqe aiiguc, ackuazéc imuac kiwi ic ai késazaciguc imi kiwi ic aiiguc, ⁸meme seli ai késazac imi meme seli aiiguc, haleñ haihai ai késazaciguc imi haihulac yandayaguc, galeñ ai késazaciguc mézétiti qahaciguc, wañu wésé niniñ wañ énécmianzu imi eneñ ségiségi wamma memu.

Goi héihéiac haka.

⁹Goi héihéigina imi ikocya qahac kecma haka biriawac surema haka hiabiaiguc qékétama kecmu. ¹⁰Ala siñiguc solañanec siñgina niñamuma walac eegina héiamumu. ¹¹Mézétiti qahac seliseli wamma qeri uñagina

ewa siŋginaguc Miŋ Kewu welenj qemimu. ¹²Mambéc keckeciguc ségiségi wammu. Waŋu zéra béraiguc imi naŋselima kecmu. Waŋu nalé séc seliseli wamma zéwelec ai memu. ¹³Ic embac téréya ienenj iwawai ménjac ménj hocgic amunec qamunec waŋamuma heheŋgaŋgina qegic yandima kemma ic enia ionac acguc keŋ sécgé énécmimac. ¹⁴Unu nesi waŋ énécmigic mozocgé énécmima ménda saecgé énécmimu. ¹⁵Ségiségi wanzu iniguc ségiségi wammu. Ewa biric wanzu iniguc ewa biric wammu. ¹⁶Eŋawu ewa momac wamma nanaŋ ejeŋaiguc ewa qerigina ménda niŋkumumu, néj nanaŋ mamayaiguc kecmu.^k Waŋu eŋaocnec niŋtegit qinŋtegit ic ésecnec ménda meen amumu. ¹⁷Ménjac ménj haka biria waŋ énécmigic haka birianénj tasé kuku ménda wammu. Waŋu ic embac ionac kicginaiguc haka hiabia wamma kecmu. ¹⁸Ini niŋgic eŋaoc wammuac séc waŋu, ic embac moczoŋ yanda iniguc luae qema kecmu. ¹⁹Ala sorochécna ini eŋaoc hazécgina tasé kuku ménda waŋ énécmimu, néj Miŋ Kewuac qeri biriawac buŋa zéma haigic hemac. Kiwi ménj yomuhuc ooyawac heyu imuhuc zézua; Hazéc ionac kitiwa melej melej ai imi nuaru hezac imuac nenaoc melej énécmimanj, Miŋ Kewunénj zézac. ²⁰Waŋu néwécgeŋaiguc guac hazécganénj yaka niŋ humuyu nene gumuwésémanj. Waŋu doku niŋ humuyu doku mina nemac. Imuhuc wamma gi imi iwac oruhaiguc lokoc bélaŋaguc tocgéna emmac. ²¹Birianénj ménda gogicmac, néj haka hiabia wamma haka biria imi tidacgéna mamac.

Baec galeŋ ionac ac niŋtoho wammu.

13 ¹Icya icya imi galeŋ hécgina ionac méra bacginu kecmu. Hénia imi yomuhuc, galeŋ ai buŋa ménhénéj ménj Anutunénj ménda niŋunec ménj ménda hicŋima hezac. Waŋu galeŋ moczoŋ yanda imi Anutunénj kumu énécmiyecac keczu. ²Imuac niŋjac galeŋ buŋa ionac acgina qeqe imi Anutuac zézé seliawac ac qeqe wanzac. Waŋu imuhuc acgina logianzu imi eŋaocnec képésic imuac tasia mihicŋimu. ³Galeŋ ic imi haka hiabia wambiŋ zéni bac yandi yandi ménda waŋ nénécmianzu, néj haka biria wambiŋ zéni imuhuc waŋ nénécmianzu. Imuac gi imi ic ménj kuhaguc iwac niŋ bac yandi yandi ménda wammanj zé ninzanjiguc haka hiabia wamma kecbésémanj. Imuhuc wanna mepési géŋgéŋa wammac. ⁴Ic galeŋ ménj imi Anutuac welenj qeqeya kecma guac muru kecec hiabia mihicŋi gémmanj zé keczac. Waŋu gi haka biria waŋanzanjiguc iwac mia bac yandi yandi wambésémanj. Inénj sou qaruc imi eŋdac ménda késa keczac. Imi mia Anutuac welenj qeqe icya kecma ménhénéj haka biria waŋu Anutuac qeri gericyawac welenj qema képésicyawac kitiwa melej mianzac. ⁵Hénia imuac niŋjac méra bacginu

^k 12:16 Welenj qeqeac ai hia memanj zé niŋkumuma.

kecmuac hezac. Imi mia Anutuac qeri geric imuac niḡac sac qahac, nēḡ ewa qerigina solaḡa imuac niḡac momacnec imuhuc wammuac hezac. ⁶Ieneḡ imi Anutuac weleḡ qeḡe ichéra kecma nalé séc ai mema weleḡ qeénécmanḡu. Hénia imuac niḡac ini takis acḡuc haimuac hezac. ⁷Imuac takis hénia hénia énécmimuac hezac imi moczoḡ énécmimu. Takis niḡac zégic takis énécmimu. Bac yandiyandi waḡ énécmimuac hezac ionac imi bac yandi yandi waḡ énécmimu. Eegina héi énécmimuac hezac ionac imi eegina héiéncmimu.

Ala waḡamuma qerinéḡ goihéihéi waḡamumu.

⁸Ic méḡac méḡ taséḡinaguc ménda wammu, nēḡ siḡ niḡamuma kekec imuac sac niḡic taséḡina wammac. Méḡnéḡ ic tosara goigina héianzaciguc ic imi mia héna ac moczoḡ méndacdaczac. ⁹Kaisero ménda wammu. Ic ménda unuhumumu. Kowu ménda nemu. Héipuc ac zéwiḡ zé ac ikoc ménda wammu. Hémbaoc ménda wammu. Waḡu héna ac tosara hezac, nēḡ héna ac moczoḡ imi geḡga goiga héiamuanzaḡ imuac séciguc alagawac goiya héimiwésémaḡ ac imuac qeriaiguc hedaczac. ¹⁰Goi héihéinéḡ alayawac haka biria ménda wammac. Hénia imuac niḡac goi héihéi momacgucnéḡ héna ac moczoḡ wandac wandara wanzac.

Haka dimuhuc waḡamuma kecbiḡ?

¹¹Waḡu nalé yomuac tanera bec niḡtegicma hakagina yomuhuc wamma kecmu. Kicga hima gau igucnec yacbésémaḡ imuac naléya imi bec hazac. Némac niḡ, walac niḡzégéma mambéc waḡiḡ éséc qahac, nēḡ imi ogicma deguc aḡgéḡ titinina imi hosucgé nénécmizac. ¹²Siḡi imi keḡ keru bec ama gianjimaḡ zé wanzac. Imuac niḡac neḡaḡ siḡi tunumaḡac wawaḡ meme aténdacma edamuyawac bunda maleku héini hiḡgacmac. ¹³Kaiweac séciguc wawaḡ meme ee héihéiyaguc qindiḡi amuma kecbiḡ. Kaiziliweḡ zéma doku seliguc ewa soho qahac, kaisero zéma séwiac siḡiguc qahac, waḡu euqeḡe zéma nimbupuciguc qahac, ¹⁴nēḡ maleku éséc Miḡ Kewu Yesu Kristo héiamuma kecmu. Waḡu séwiginawac siḡ niḡac wamma séwiac ai¹ imi ménda niḡareḡému.

Ninzéḡ ninzéḡ selia zéma ninzéḡ ninzéḡ bébélacgia.

14 ¹Mérénéḡ méḡ ninzéḡ ninzéḡa kuha mamaya kecma niḡ éréhéc waḡu zésure ménda wammimu. ²Méḡ imi iwaiwai moczoḡ efima nemacac séc ninzéḡ ninzéḡ selia késa keczac, nēḡ méḡ imi ninzéḡ ninzéḡa bébélacgia imuac zuazua sac neanzac. ³Nene imuac me imuac efima neanzac inéḡ nene tosara ménda neanzac iwac niḡu mamaya ménda wammac. Waḡu nene tosara ménda neanzac imi acguc nene

¹ 13:14 Képésic ac siḡniḡ.

imuac me imuac efima neanzac i kápésicyaguc ménda zémimac. ⁴Gi méréneŋ ic méŋac welenŋ qeqeya niŋgésima keczaŋ? Nanaŋ selia me maqeqeya imi moczoŋ eŋeya miŋinanéŋ niŋu hezac. Miŋ Kewuninanéŋ hia meselimiyu nammacac séc. Imuac i imi Anutunéŋ nangéyu hia naŋselimac. ⁵Ic méŋneŋ ai meme méŋac niŋu tosara onogicma téréya waŋanzac. Waŋu ic méŋneŋ niŋu ai meme moczoŋ sécgina momacguc waŋanzac. Imuac waigic ic eŋac eŋac niniŋginaiguc niŋselima zému. ⁶Ai meme méŋac niŋu téréya wanzac imi mia Miŋ Kewuac niŋac wamma imuhuc eeya héimianzac. Waŋu iwawai méŋac méŋ efima neanzac imi acguc Miŋ Kewuac niŋac wamma imuhuc waŋanzac. Waŋu iwawai méŋac méŋ niŋgésima ménda neanzac imi acguc Miŋ Kewuac niŋac wamma imuhuc wamma Anutu ewa hia ac ézéanzac. ⁷Neŋaŋ murunec méŋneŋ méŋ eŋeya niŋac ménda kecanzac. Waŋu méŋneŋ méŋ eŋeya niŋac ménda humuanzac. ⁸Kecbiŋiguc Miŋ Kewuninawac niŋac kecbiŋ. Waŋu humuwiniŋiguc imuhucyanec Miŋ Kewuninawac niŋac humuwiniŋ. Imuac Kecbiŋiguc me humuwiniŋiguc séc nini Miŋ Kewuac buŋa wanziniŋ. ⁹Hénia imuac mia Kristonéŋ humumia zéma kekecginaguc momacnec Miŋ Kewu waŋ énécmimaŋ zéma humumaguc muŋguc qelima yarec. ¹⁰Waŋu neŋaŋ moczoŋ Kristoac gésigési tatac imuac wésiaiguc nambiŋac hezac. Imuac gi némac niŋac dacga me munaga gésimianzaŋ? Waŋu némac niŋac dacga me munaga mematiti wammianzaŋ? ¹¹Imuac mia kiwi méŋ yomuhuc ooyawac hezac; Miŋ Kewu zézacnéŋ; Ni hélacnec kecza, imuac simiŋgina séc simiŋ héinéndacmu. Waŋu ezelaŋgina séc Anutuac muru zéhicŋima mepésimimu. ¹²Imuac neŋaŋ murunec icya icya Anutuac muru eŋeya aiya meyec séc zéhicŋi mimacac hezac. ¹³Imuac bec neŋaocnec ménda zégési waŋamuwiŋ. Néŋ dacga me munagawac muru qonzontoiŋ gégéyawac baŋa me manam batucac iwawai méŋ ménda haimiwésémaŋ. ¹⁴Ni Miŋ Kewu Yesuac qeriaiguc niŋasarima niŋzéŋgéanzua imi mia yomuhuc; Iwawai méŋneŋ méŋ^m zapi qeqeyaguc ménda wanzac, néŋ iwawai méŋac niŋu zapi qeanzac iwacnec sac iminéŋ zapi qeqeyaguc wanzac. ¹⁵Nene gi neanzaŋ imuac niŋac dacga me munaganéŋ niŋ yéwérizaciguc gi imi goi héihéiiguc ménda wanzaŋ wanzac. Kristonéŋ alagawac niŋac wamma humuyec, imuac gi nene niŋac wamma ménda mebiri miwésémaŋ. ¹⁶Imuac ini galeŋ megic haka hiabiagina imuac niŋac wamma qeqetali ac zéénécmiwu niŋac. ¹⁷Anutuac héŋgaleŋ ama areŋa yanda imi nene doku nezéléléŋiguc ménda hezac, néŋ Uŋa téréyawac qeriaiguc solaŋ dindiŋa zéma luae zéma ségiségi wamma kekec iminéŋ mia hezac. ¹⁸Némac niŋ, haka imuhuc wamma Kristo welenŋ qemizac imi Anutunéŋ aŋgéŋ timimacac séc wanzac. Waŋu baec ic ieneŋ acguc imuac niŋgic

^m 14:14 Nene hénia hénia.

sécgémac. ¹⁹Imuac bec neŋaŋ luaeac buŋa zéma meme seli ai imuac mia nesima kembiŋ. ²⁰Nene niŋac wamma Anutuac ai imi ménda hézén géwésémaŋ. Nene moczoŋ yanda imi hiabia. Waŋu ic mérnéŋ nene mén alaya ménda neanzac imi kiwaiguc nema meyéwéri mimac imi hiabia qahac. ²¹Waŋu yaŋ beric, waiŋ selia, me iwawai tosara ménda nema alaga qonzontongé mimia mén ménda wambésémaŋ iminéŋ haka hiabia soroc wanzac. ²²Imuac ninzéŋ ninzéŋga imi Anutuac kiwaiguc geŋga muru késa kecbésémaŋ. Ic mérnéŋ haka mén wammaŋ zé hiabia zéma ninzéŋgéma wammaguc eŋeya haka imuac ménda zégési amumaciguc zézé ségiségiyaguc wanzac. ²³Ewa éréhéç wamma neanzaciguc imi, ninzéŋ ninzéŋ igucnec qahac imuac niŋac késpedesiyaguc zémimia wanzac. Wawaŋ meme ninzéŋ ninzéŋ igucnec ménda hahaya imi moczoŋ késpedesiyaguc wanzac.

Yesuac séciguc wamma neŋaŋ ewanec ménda kecbiŋ.

15 ¹Kucinaguc nini imi tosara kucgina mamaya ionac qeka meka hakagina imi bisiqatéŋ waŋ énécmima kecbiŋ, néŋ neŋacnec ségiségi ménda mihicŋi amuwiŋ. ²Neŋac neŋac imi haka hiabiwac alahéçnina meyac énéçmiwiŋ zé ségiségi mihicŋi énéçmiwiŋ. ³Kristo acguc eŋeya ewa hia niŋac ménda waŋamuyec. Kiwi yomuhuc ooyawac hezac; Zébiri qébiri waŋgéŋgic ionac zébiri qébirinéŋ nuac qacnaiguc mazac. ⁴Ac kuazéc becneç ogic imi neŋaŋ pakeŋ ac wammac niŋac ogic. Imi mia neŋaŋ gum bénzénzéniguc bisi qatéŋ wamma keçni kiwi téréya iminéŋ nangé nénéçmiyu kic hihi wamma kecbiŋ niŋac imuhuc ogic. ⁵Deguc gum bénzénzén zéma qeri efiefi miŋina Anutunéŋ waŋ énéçmiyu ini Kristo Yesuac séc méndacma eŋawu ewa momac wammu niŋac imuhuc waŋ énéçmiyec. ⁶Imuac mia ewa qeri momacguc zéma kuagina momacnec Anutu Miŋ Kewunina, Miŋ Kewu Yesuac Maŋgocya mepé qepési wammimu niŋac imuhuc waŋ énéçmiyec.

Buŋa suruc hiabia imi Yuda ic zéma ic enia momac yanda neŋaŋ buŋa.

⁷Imuac niŋac Kristonéŋ neŋaŋ nénépésima Anutu mepésimiyec ésécneç ini acguc épésiamumu. ⁸Énézéwa niŋgic; Kristonéŋ Anutuac ac héla niŋac wamma séwi tasé hericheric haka imuac weleŋ qeçe ic waŋec. Imi mia sisipac ac yandagina ionac waŋ énéçmiyec imi meselimaŋ zé imuhuc waŋec. ⁹Imi mia ic enia ieneŋ wésé niniŋa niŋac wamma Anutu mepésimimu niŋac imuhuc waŋec. Imuac mia kiwi ooya mén yomuhuc hezac; Imuac bec ni baera baera ic embac ionac sugcinaiguc Miŋ Kewu gi ewa hia ac gézéma qacga mepésima legic héigémmaŋ. ¹⁰Waŋu muŋguc yomuhuc ooyawac hezac; Baera baera ic embac hénia hénia ini imi, Miŋ Kewuac ic embachéra iniguc ségiségi wammu. ¹¹Waŋu muŋguc yomuhuc zézac; Baera baera moczoŋ Miŋ Kewu mepési mimu, baera baera ic

embachéra ini legic héimimu. ¹²Waņu Yesaianéŋ yomuhuc zézac; Yesiac zali méŋnéŋ baera baera ic embac galenḡé énécmimaŋ zé qérawia qema yacmac. Yaru baera baera ic embac ieneŋ iwac muru kic hihi wammu. ¹³Niŋkumunina Anutunéŋ ségiséŋi hénia hénia zéma luae imi ninzéŋ ninzénḡinaiguc kuaya qeqeya tiénécmiyu Uŋa téréyawac kuhanéŋ niŋkumugina meséḡé énécmiyu qesalecḡémac niŋ wanḡua.

Pauloac ai buŋa.

¹⁴Ala hécna, ini haka hiabia zéma niniŋḡinanéŋ séḡé énécmiyu meseli amuma kecaŋzu imi ni ninzénḡé énécmizua. ¹⁵Waņu ini imuac muŋguc niŋqelimu niŋac Anutunéŋ sese néŋec imuaru héhélima porinḡ qahac ac yomi oénécmizua. ¹⁶Waņu neŋ baera baera ic embac ionac niŋac wamma Kristo Yesuac ai ic wamma Anutuac buŋa suruc hiabia imuac hofac oo ai ic wamma baera baera ic embac imi iwawai Anutuac haimimia ésécnec onopocba Uŋa Téréya qeriaiguc météré énécmimia waŋu Anutunéŋ énépésimac niŋac ewa hiawac ai buŋa imi qenéŋec. ¹⁷Imuac ni Kristo Yesuac qeriaiguc Anutuac ai imuac nimba ni imi eebipinaguc wanḡua. ¹⁸Ni iwawai tosara niŋac ménda zémaŋ, néŋ ac yomuac sac porinḡa qahac zéwa niŋḡic; Yesu Kristonéŋ baera baera ic embac weleŋ qeénécmiwa niŋtoho wammu niŋac ni népésiyu acna zéma wawaŋ memena zéma ¹⁹asé kiwi kuhaguc zéma haka welicwelicḡia zéma Anutuac Uŋa téréyawac kuhaiguc ai meyi. Imuhuc wamma Yerusalemnec Ilurikon ama areŋa yanda séc buŋa suruc hiabia imi zéau énécmiyi. ²⁰Waņu ai ic méŋac ai qambaŋaiguc ai mema nambiac zéma osima bec Kristoac qara qacma keczu baec imuaru imi buŋa suruc ménda zéau énécmimaŋ zéma niŋseliyi. ²¹Kiwi méŋ yomuhuc ooyawac hezac; Ic embac tosara Miŋ Kewuninawac buŋa suruc ménda énézégic niŋḡic imi eneŋ hémmu. Waņu ménda niŋḡic imi eneŋ niŋasarimu.

²²Hénia imuac niŋac mia onac muru hamaŋ zé waŋanḡua. Waņu hatac sasala hézicḡé nénéŋa waŋec.

Paulonéŋ Roma ama areŋa yanda ogicma Spein ama yandaiguc kemmaŋ zé keŋec.

²³Waņu deguc imi yomuaru ai memeyawac ama baec méŋ ménda hezac. Waņu yawuŋ sasala érékecma deguc ini inicmaŋ zé siŋna henéŋecac henénzac. ²⁴Spein baeciguc kemmaŋ zé kemma onac baec ogicma kemmaŋ nalé imuaru inicba niguc tacḡic sécḡénéŋu duŋa eneŋ mia méra némma baec imuaru méli némmu niŋac waŋanḡua. ²⁵Waņu deguc imi Anutuac ic embac téréya weleŋ qeénécmimaŋ zé Yerusalem kenḡua. ²⁶Imi mia Makedonia zéma Akaia ic embac ieneŋ ic embac téréya Yerusalem keczu ionac sugina igucnec ic maqeqeya ionac niŋac wamma ewa hiawac iwawai haigic imi mema keŋ énécmimaŋ niŋac

kenzua. ²⁷Ieneŋ imi ségiségi wamma imuhuc waŋgic néŋ taségina imuhuc meleŋ énécmiuac hezac. Baera baera ic embac imi iwawai téréya méndéŋ énécmiyu kesa keczuiguc baecac iwawai mema Yuda ic weleŋ qeénécmimu iminéŋ haka dindiŋa waŋzac. ²⁸Imuac mia neŋ ai imi metecgéma héla yomi nenaoc héipuc wamma méraginaiguc haimaguc onac muru hama inicmaguc duŋa imuacnec Spein baec yandaiguc kemmaŋ. ²⁹Neŋ onac muru hamaŋ imuaru Kristoac mozoc kuaya qeqeya mema hamaŋ imi ni ninzua.

Eŋeya méra mima Anutu zéwelec wammimu niŋ énézézec.

³⁰Ala hécna, ni Miŋ Kewunina Yesu Kristoac niŋac zéma Uŋa téréyawac ewa siŋ niŋac wamma zénaŋgé énécmizua; Niguc momacnec seliseli wamma zéwelecginaiguc nuac niŋ Anutu yomuhuc zéwelecmmimu; ³¹Yuda baeciguc ic tosara niŋtoho ménda wamma keczu ionac méragina igucnec metecgé némmac. Waŋu Yerusalemiguc weleŋ qeénécmiwa ic embac téréya eneŋ niŋgic hia wammac. ³²Waŋu Anutuac ewa siŋ heyu ségiségi wamma onac muru hama iniguc momacnec tachiarumaŋ niŋac zéwelecmu. ³³Luae miŋina Anutunéŋ momac yanda iniguc kecmac. Hélacnec!

Pauloac yaizézé ac.

16 ¹Ni Keŋkerea hénaoriŋ ionac ai embac kecanzac embac nauŋnina Foibe iwac mia héipuc wammima énézézua. ²Embac yomi mia ic embac sasala zéma ni momacnec méra nénécmianzac. Imuac mia ini imi Miŋninawac qeriaiguc haka soroc ic embac téréya ionac waŋ énécmimia séciguc i héihéré mimu. Waŋu iwawai méŋ niŋac horu méra mimu.

³Waŋu yaizézé acna Kristo Yesuac qeriaiguc nuac ai momac éréhéca Priskaⁿ zéma Akila iorac érézému. ⁴Iereŋ imi nuac niŋac wamma kekecgira momacnec zeraiguc haiyoc. Neŋnec qahac, néŋ hénaoriŋ baera baera keczu imi eneŋ imuhucyanec iorac niŋac ewa hia ac érézému. ⁵Waŋu yaizézé acna imi hénaoriŋ iorac amaiguc tocgéanzu i momacnec énézému. Ala sorocna Epaineto yaizézé acna ézému. Ic imi mia Asia baeciguc Yesuac muru héla gocmia mérerawac hicŋiyecac keczac. ⁶Onac niŋac wamma ai kuneŋ yanda meyec Maria iwac acguc yaizézé acna ézému. ⁷Nuac sac tasé éréhéca, hésa ic momac éréhéca, Androniko zéma Yunia iorac mia yaizézé acna érézému. Yesuac Méliméli ic ieneŋ acguc qac buŋagira ninzu. Waŋu iereŋ imi ni Yesu ménda nimmiwanec walac ninzégéma Kristoac qeriaiguc kecanzaoc. ⁸Waŋu Yesuac qeriaiguc ala sorocna keczac Ampiliato iwac imuhucyanec yaizézé acna ézému. ⁹Waŋu Kristoac qeriaiguc ai momacna Urbano zéma ala sorocna Sitaki

ⁿ 16:3 Me Priskila.

iorac acguc yaizézé acna érézému. ¹⁰ Waŋu Kristoac qeriaiguc manam batuciguc naŋseliyu ninzénge mini keczac Apele i zéma Aristobulo iwac ama qeriawac areñhéra ionac mia yai zézéna énézému. ¹¹ Waŋu sac kiticna Herodion yaizézé acna ézému. Waŋu Narikiso ama qeriawac areñhéra ionac imuhucnec yaizézé acna énézému. ¹² Miñ Kewuninawac qeriaiguc ai kuney meyc Tirifaina zéma Tirifosa iorac acguc yaizézé acna érézému. Waŋu Miñ Kewuninawac qeriaiguc ai kuney yanda meyc Peasi iwac mia yaizézé acna ézému. ¹³ Miñ Kewuninawac qeriaiguc gésimimia wañec Rufu zéma iwac neŋgocyaguc yaizézé acna érézému. Iwac neŋgocyanéñ ni momacnec neŋgoc wañ néñec. ¹⁴ Asiñkrito zéma Filegon zéma Hereme zéma Patoroba zéma Herema zéma dacmuna eñawu momacnec keczu ionac yaizézé acna énézému. ¹⁵ Filologo zéma Yulia zéma Nirea zéma iwac nauña zéma Olimpa zéma ic embac téréya iniguc keczu ionac mia yaizézé acna énézému. ¹⁶ Ini imi haka téréyaiguc kiricne amuma yaizézé ac wañamumu. Kristoac henaorij moczoñ yandanéñ yaizézé ac énézézu.

Tiliñtiliñ ic ikora ionac biañac ara zéyec.

¹⁷ Dacmuna hécna ni selianec zénañgé énécmizua. Pakeñ ac niñareñgéic imi héñara mema héndéñ héndéñac yaré mihicñianzu imi onac galeñ mema héñacgina memu. ¹⁸ Ic embac imuhuya imi Miñnina Kristo ménda weleñ qemianzu, néñ eñañ kerac tomeñgina weleñ qeamuma ac haléc zéma ac ikoranéñ ic embac ewa éréhéc ménda wamma kecanzu imi ikoc wañ énécmianzu. ¹⁹ Onac niñtohotoho hakaginawac suruc buña imi zégic niñanzij. Imuac ni onac niñ wamma ségiségi wañanzua. Wañu eneñ haka hia biaiguc imi niñtegic qindegic ginaguc wammu, néñ haka biriaiguc imi késpedes qahac kecmu niñac wanzua. ²⁰ Luae miñjina Anutunéñ Biria miñjina imi hénagina duandiaiguc oporu tizizamu. Miñ Kewunina Kristo Yesuac ewa hianéñ iniguc hemac.

Pakeñ ac tectecgia.

²¹ Ai momacna Timoteo zéma nuac taséhécna Lukio zéma Yason zéma Sosipata ieneñ imi onac yaizézé ac énézézu. ²² Pauloac méra mima kiwi yomi ozua ni Tetio acguc Miñ Kewuninawac qeriaiguc onac yaizézé ac énézézu. ²³ Wañu ni zéma henaorij moczoñ ninicgaleñ wamma keczac ama miñjina Gaio i acguc onac yaizézé ac énézézac. Wañu ama areña yanda yomuac soukiwa galeñ Erasito zéma ic muna Kuato iereñ acguc yaizézé ac énézézaoc. ²⁴ (Miñnina Yesu Kristoac ewa hianéñ onac muru hemac. Hélacnec!)°

° 16:24 Kiwi tosaraiguc; Kembaña yomi ménda hezac.

²⁵^{25a} Buḡa suruc zéma Yesu Kristo zéauau imuac ai buḡana imi nalé hénihénia igucnec saḡgima heyec. ²⁶Heyu deguc imi usuya aunénécmiyec. Waḡu Anutu heheseli miḡina iwac zézé selia imi niḡtohoma kua meme ic ieneḡ kiwi onénécmiyec. Waḡu kiwi iminéḡnec baera baera ic embac ieneḡ niḡzéhégéma niḡtohomu niḡac ac saḡa mewinini nénécmiyec. Waḡu ac saḡa imuac séciguc hicḡiyec buḡa suruc hiabia iminéḡ ^{25b} ini efianec meseli énécmimacac séc wanzac. ²⁷Nindac qindac Anutu iwac muru mia Yesu Kristoac murunec qac buḡanéḡ heheseli hema emma hemac. Hélacnec!